





郊祀志卷第五下



固

漢書二十五

正議大夫行秘書少監琅邪縣開國子顏師古注

是時既滅兩粵粵人勇之乃言粵人俗鬼

師古曰勇之越人俗鬼言

其土俗尚鬼神之事而其祠皆見鬼數有效昔東甌王敬鬼壽百六

十歲後世怠慢故衰耗師古曰耗減也音火到反迺命粵巫立粵祝祠

安臺無壇亦祠天神帝師古曰天帝而以雞卜李商

雞骨如舉民上信之粵祠雞卜自此始用師古曰言公孫卿曰

僊人可見上往常遽以故不見師古曰遽速也音其庶反今陛下可為

館如緱氏城師古曰依其制度也置脯棗神人宜可致且僊人好樓

居於是上令長安則作飛廉柱師古曰飛廉館二名也甘泉則

作益壽延壽館師古曰益壽延亦二館名使卿持節設具而候神人

迺作通天臺師古曰漢舊儀云臺高二十丈望見長安城置祠具其下將招來

神僊之屬於是甘泉更置前殿始廣諸宮室夏有芝生甘

泉殿房內中天子為塞河興通天若有光云師古曰為塞河及造通天

臺而有神光之應故赦天下也迺下詔赦天下其明年伐朝鮮夏旱公孫

卿曰黃帝時封則天旱乾封三年師古曰三歲不雨暴上所封之土令乾也

迺下詔天旱意乾封乎鄭氏曰言適新封則致其令天下旱天欲乾我

尊祠靈星焉明年上郊雍五時通回中道遂北出蕭關登

獨鹿鳴澤師古曰解並在武紀自西河歸幸河東祠后土明年又主

巡南郡至江陵而東登禮灋之天柱山號曰南嶽師古曰灋音廬



縣也天柱山在焉武帝以天柱山為南嶽灋音灋浮江自潯陽出樅陽師古曰樅音千庸反

過彭蠡禮其名山山川北至琅邪並海上師古曰並音步浪反

四月至奉高修封焉初天子封泰山泰山東北陞古時有

明堂觀觀險不敞師古曰言其阻阨不顯敞上欲治明堂奉高旁未曉

其制度濟南人公玉帶上黃帝時明堂圖師古曰公玉姓也帶名也召氏

春秋齊有公玉丹此蓋其舊族而說者讀公玉為宿非也單姓王者後漢司徒王況自音宿明堂中有

一殿四面無壁以茅蓋通水水園宮垣師古曰垣音宿為復道上

有樓從西南入師古曰復也名曰昆侖天子從之入以拜祀

上帝焉於是上令奉高作明堂汶上如帶圖師古曰汶水名也出琅邪

未虛作明堂於汶水之上也帶圖公玉帶所上明堂圖汶音問及是歲修封則祠泰一五

行集卷之五下

帝於明堂上坐師古曰坐音才卦反合高皇帝祠坐對之服虔曰漢是時未以

高祖配天誓對於東為配之東父是祠屋下房以二十太牢天子從昆

命道入始拜明堂如郊禮畢祭堂下而上師古曰祭古廢宗原谷而字厲句上

泰山自有祕祠其顛而泰山下祠五帝各如其方黃帝并

赤帝所師古曰與赤帝同處有司侍祠焉山上舉火下悉應之還幸

甘泉郊泰時春幸汾陰祠后土明年幸泰山以十一月甲

子朔旦冬至日祀上帝於明堂後每修封其贊饗曰天增

授皇帝泰元神策周而復始皇帝敬拜泰一師古曰自此以上贊祝者

辭東至海上考入海及方士求神者莫驗然益遣幾遇之

師古曰益多也幾讀曰與言更遣人求之與必遇也乙酉柏梁災十二月甲午朔上

親禪高里師古曰高里山名解在武紀祠后土臨勃海將臣望祀蓬萊

之屬幾至殊庭焉師古曰殊庭蓬萊中仙人庭也幾讀曰與上還以柏梁災故

受計甘泉公孫卿曰黃帝就青靈臺十二日燒師古曰就成也造臺

適成經十二日即遇火燒黃帝乃治明庭明庭甘泉也方士多言古帝

王有都甘泉者其後天子又朝諸侯甘泉甘泉作諸侯邸

勇之迺曰粵俗有火災復起屋必以大用勝服之於是作

建章宮度為千門萬戶前殿度高未央師古曰度並音大各反其東

則鳳闕高二十餘丈師古曰三輔故事云其闕闕上有銅鳳凰其西則商中數

十里虎圈如淳曰商中商庭也師古曰商金也於序在秋故謂西方之庭為商庭言廣數十里於苑亦西

方之獸故於此置其圈也其北治大池漸臺高二十餘丈名曰泰液師古

曰漸浸也。臺在池中，為水所浸，故曰漸臺。一池中有蓬萊

音子廉及三輔黃圖，或為濊字，濊亦浸目。方丈瀛州壺梁象海中神山龜魚之屬。

師古曰：三輔故事云：北岸有石魚，長二丈，高五尺，西岸有石鼈，二枚，長六尺。其南有玉堂壁門大鳥之屬。

師古曰：漢宮也。立神明臺，并幹樓，高五十丈，輦道相屬焉。

師古曰：漢宮臺，高五十丈，上有九室，恒置九天道士百人，然則神明并

幹俱高五十丈也。并幹樓，積木而高，為樓若并幹之形也。

并幹者，并上木欄也。其形或四角，或八角，張衡西京賦云：并幹疊而百層，即謂此樓也。幹或作翰，其義並同。夏

漢改歷，以正月為歲首，而色上黃，官更印章，以五字。師古

在武，因為太初元年是歲。西伐大宛，蝗大起，丁夫人雒陽

虞初等，應劭曰：丁夫人，其先丁復，本越人，封陽都侯。夫以

方祠，詛匈奴大宛焉。明年有司言：雍五時無牢，孰具芬芳

不備，迺令祠官進時犢，牢具色食所勝。孟康曰：若人勝金

也，而以木寓馬，代駒云。及諸名山川用駒者，悉以木寓馬

代，獨行過親祠，迺用駒。它禮如故。明年東巡海上，考神僊

之屬，未有驗者。方士有言：黃帝時為五城十二樓。應劭曰：

圃五城，十二樓，仙人之所常居，以候神人於執期。鄭氏曰：名曰迎年，師古

年若云。上許作之，如方名曰明年。師古曰：言明上親禮祠

上犢黃馬，公玉帶曰：黃帝時雖封泰山，然風后封鉅岐伯

令黃帝封東泰山。韋昭曰：風后封鉅岐伯，皆黃帝臣也。臣

是禪凡山。師古曰：凡山在末。合符，然後不死。天子既令設

祠具，至東泰山，東泰山卑小，不稱其聲，迺令祠官禮之而

不封焉其後令帶奉祠候神物復還泰山修五年之禮如  
 前而加禪祠石閭石閭者在泰山下陞南方師古曰下方  
 士言僊人問也故上親禪焉其後五年復至泰山修封還  
 過祭恒山自封泰山後十三歲而周徧於五嶽四瀆矣後  
 五年復至泰山修封東幸琅邪禮日成山登之果浮大海  
 周事八神延年師古曰解並在武紀延又祠神人於交門  
 宮若有卿坐拜者云師古曰如有神人景象嚮祠坐而後  
 五年上復修封于泰山東游東萊臨大海是歲雍縣無雲  
 如雷者三師古曰雷古雷字也空有雷聲也或如虹氣蒼黃若飛鳥集棫  
 陽宮南師古曰棫音威聲聞四百里隕石二黑如磬有司以為美

祥以薦宗廟而方士之候神入海求蓬萊者終無驗公孫

卿猶曰大人之迹為解師古曰言見大人天子猶羈縻不

絕師古曰羈縻繫縶之意馬幾遇其真師古曰幾諸所興

如薄忌泰一及三一冥羊馬行赤星五牀寬舒之祠宮師古曰

祠皆以歲時致禮凡六祠皆大祝領之至如八神諸明年

凡山它名祠行過則已方士所興祠各自主其人

終則已祠官不主它祠皆如故甘泉泰一汾陰后土三年

親郊祠而泰山五年一修封武帝凡五修封昭帝即位富

於春秋未嘗親巡祭云宣帝即位由武帝正統興故立三

年尊孝武廟為世宗行所巡狩郡國皆立廟告祠世宗廟

日有白鶴集後庭以立世宗廟告祠孝昭寢有鷹五色集  
殿前西河築世宗廟神光興于殿旁有鳥如白鶴前赤後  
青神光又興于房中如燭狀廣川國世宗廟殿上有鐘音  
門戶大開夜有光殿上盡明上迺下詔赦天下時大將軍  
霍光輔政上共已正南面師古曰共非宗廟之祀不出十  
二年迺下詔曰蓋聞天子尊事天地修祀山川古今通禮  
也開者上帝之祠闕而不親十有餘年朕甚懼焉朕親飭  
躬齋戒親奉祀為百姓蒙嘉氣獲豐年焉明年正月上始  
幸甘泉郊見泰時數有美祥修武帝故事盛車服敬齋祠  
之禮頗作詩歌其三月幸河東祠后土有神爵集改元為

神爵制詔太常夫江海百川之大者也今闕焉無祠其令

祠官以禮為歲事

師古曰言每歲常祠之

以四時祠江海雒水祈為

天下豐年焉自是五嶽四瀆皆有常禮東嶽泰山於博中

嶽泰室於嵩高南嶽瀟山於瀟

師古曰瀟與瀟同也

西嶽華山於華

陰北嶽常山於上曲陽

師古曰上曲陽常山郡之縣也

河於臨晉師古曰

縣也臨河西岸

江於江都

師古曰廣淮於平氏

師古曰南

濟於臨

邑界中

師古曰東

皆使者持節侍祠唯泰山與河歲五祠

江水四餘皆一禱而三祠云時南郡獲白虎獻其皮牙爪

上為立祠又昌方士言為隨侯劍寶玉寶璧周康寶鼎立

四祠於未央宮中又祠太室山於即墨三尸山於下密

師古

曰即墨下密皆祠天封苑火井於鴻門如淳曰地理志西膠東之縣也

苑火井祠火從地中出又立歲星辰星太白熒惑南斗祠於長安城

旁又祠參山八神於曲城師古曰東萊之縣也蓬山石社石鼓於臨

胸師古曰臨胸齊郡縣也胸音之采山於腫成山於不夜

萊山於黃應劭曰腫音魏晉灼曰腫不夜黃成山祠日萊

山祠月又祠四時於琅邪蚩尤於壽良師古曰東萊之縣也京師近

縣鄆則有勞谷五林山日月五帝僊人玉女祠雲陽有徑

路神祠祭休屠王也師古曰休屠匈奴王號也徑路神本匈奴之祠也休音許糾反屠音涂

又立五龍山僊人祠及黃帝天神帝原水凡四祠於膚施

師古曰膚施上郡之縣也或言益州有金馬碧雞之神如淳曰金形似馬碧形似雞

可醮祭而致於是遣諫大夫王褒使持節而求之大夫劉

更生獻淮南枕中洪寶苑秘之方師古曰洪大也苑秘令

尚方鑄作事不驗更生坐論京兆尹張敞上疏諫曰願明

主時忘車馬之好斥遠方士之虛語師古曰遠音于萬反游心帝王

之術太平庶幾可興也後尚方待詔皆罷是時美陽得鼎

獻之師古曰美陽扶風之縣也下有司議多以為宜薦見宗廟如元鼎

時故事張敞好古文字按鼎銘勒而上議曰臣聞周祖始

乎后稷后稷封于豳師古曰豳讀與鄆同今武功故城是公劉發迹於豳師古曰豳

曰今豳州是也大王建國於邽梁師古曰邽梁山在岐山之東九峻

文武興於鄠鎬師古曰鄠今長安城西豐由此言之則



郊梁豐鎬之間周舊居也固宜有宗廟壇場祭祀之臧今

鼎出于郊東中有刻書曰王命尸臣官比拘邑師古曰尸

臣也拘邑即師賜爾旂鸞黼黻珣戈謂有鸞之車也黼黻

也是也拘音荀臣拜手稽首曰敢對揚天子丕顯休

命師古曰拜手臣愚不足以迹古文師古曰尋竊以傳記

言之此鼎殆周之所以褒賜大臣大臣子孫刻銘其先功

臧之于官廟也昔寶鼎之出於汾隹也河東太守以聞詔

曰朕巡祭后土祈為百姓蒙豐年師古曰為今穀曠未報

師古曰曠少未獲豐年也曠音苦曠反鼎焉為出哉博問耆老意舊

臧與此地師古曰與讀曰與誠欲考得事實也有司驗隹

上非舊臧度鼎大八尺一寸高三尺六寸殊異於眾鼎今

此鼎細小又有款識師古曰款刻也識不宜薦見於宗廟

制曰京兆尹議是上自幸河東之明年正月鳳皇集後羽

師古曰後羽馮翊之縣也後音於所集處得玉寶起步壽

宮迺下詔赦天下後開歲鳳皇神爵甘露降集京師師古

歲隔一赦天下其冬鳳皇集上林迺作鳳皇殿臣答嘉瑞

師古曰明年正月復幸甘泉郊泰時改元曰五鳳明年幸

雍祠五時其明年春幸河東祠后土赦天下後開歲改元

為甘露正月上幸甘泉郊泰時其夏黃龍見新豐建章未

央長樂宮鐘虞銅人皆生毛長一寸所師古曰與神獸名

為之因名時以為美祥後闕歲正月上郊秦時因朝單于  
曰與也於甘泉宮後開歲改元為黃龍正月復幸甘泉郊秦時又  
 朝單于於甘泉宮至冬而崩鳳皇下郡國凡五十餘所元  
 帝即位遵舊儀開歲正月一幸甘泉郊秦時又東至河東  
 祠后土西至雍祠五時凡五奉秦時后土之祠亦施恩澤  
 時所過毋出田租賜百戶牛酒師古曰言有時或賜爵赦  
 罪人元帝好儒貢禹章亥成匡衡等相繼為公卿禹建言  
 漢家宗廟祭祀多不應古禮上是其言後帝玄成為丞相  
 議罷郡國廟自太上皇孝惠帝諸園寢廟皆罷後元帝寢  
 疾夢神靈譴罷諸廟祠上遂復焉後或罷或復至哀平不

定語在韋玄成傳成帝初即位丞相衡御史大夫譚師古曰

匡衡譚奏言帝王之事莫大乎承天之序承天之序莫重

於郊祀故聖王盡心極慮以建其制祭天於南郊就陽之

義也瘞地於北郊即陰之象也師古曰祭地曰瘞天之

於天子也因其所都而各饗焉往者孝武皇帝居甘泉宮

即於雲陽立泰時祭於宮南今行常幸長安郊見皇天反

北之泰陰祠后土反東之少陽事與古制殊又至雲陽行

谿谷中阨陝且百里汾陰則渡大川有風波舟楫之危師古

曰揖音集皆非聖主所宜數乘郡縣治道共張吏民困苦

其字從木反張音竹亮反下皆類此百官煩費勞所保之民行險危

之地師古曰難以奉神靈而祈福祐殆未合於承天子民  
 之意昔者周文武郊於豐鄘成王郊於維邑由此觀之天  
 隨王者所居而饗之可見也甘泉泰畤河東后土之祠宜  
 可徙置長安合於古帝王願與羣臣議定奏可大司馬車  
 騎將軍許嘉等八人以為所從來又遠宜如故右將軍王  
 商博士師丹議郎翟方進等五十人以為禮記曰燔柴於  
 太壇祭天也瘞糞於大折祭地也韋昭曰大折謂為壇於  
 昭晰地也師古曰折曲  
 也言方澤之  
 形四曲折也兆於南郊所以定天位也鄧長曰除地為  
 營壇有形兆也祭  
 地於大折在北郊就陰位也郊廟各在聖王所都之南北  
 書曰越三日丁巳用牲于郊牛二師古曰周書  
 洛誥之辭周公加牲

告徙新邑定郊禮於維明王聖主事天明事地察天地明  
 察神明章矣天地以王者為主故聖王制祭天地之禮必  
 於國郊長安聖主之居皇天所觀視也甘泉河東之祠非  
 神靈所饗宜徙就正陽大陰之處違俗復古循聖制定天  
 位如禮便於是衡譚奏議曰陛下聖德忽明上通師古曰  
 忽與聰  
 同承天之大典覽羣下使各悉心盡慮議郊祀之處天下  
 幸甚臣聞廣謀從衆則合於天心故洪範曰三人占則從  
 二人言師古曰洪  
 範周書也言少從多之義也論當往古宜於萬民  
 則依而從之師古曰論議  
 也音來類反違道寡與則廢而不行今議者  
 五十八人其五十人言當徙之義皆著於經傳同於上世

便於吏民八人不按經藝考古制而以為不宜無法之議  
 難以定吉凶太誓曰正稽古立功立事可以求年丕天之  
 大律師古曰今文太誓周書也稽考也求長也丕奉也律  
 奉天之詩也師古曰詩曰毋曰高高在上陟降厥士日監在茲師古曰  
 敬不加敬天乃上下升降日日監觀於此視人之所為者  
 耳言天之日監王者之憂也又曰迺眷西顧此維予宅師古曰  
 曰大雅皇矣之詩也宅居也言天眷然西顧言天以文王  
 以周國為居也商紂在東故謂周為西也言天以文王  
 之都為居也宜於長安定南北郊為萬世基天子從之既  
 定衡言甘泉泰畤紫壇八觚宣通象八方服虔曰八觚如  
 觚也五帝壇周環其下又有羣臣之壇以尚書禮六宗望

山川徧羣神之義紫壇有文章采黼黻之飾及玉女樂

壇僊人祠瘞鸞路駢駒寓龍馬不能得其象於古臣聞郊

紫壇饗帝之義埽地而祭上質也歌大呂舞雲門以竢天

神歌太簇舞咸池以竢地祇師古曰此周禮也大呂合於

黃帝樂也太簇陽聲次其牲用犢其席橐稽其器陶匏師古曰

二者也咸池堯樂也皆因天地之性貴誠上質不敢修其文也以

為神祇功德至大雖修精微而備庶物猶不足以報功唯

至誠為可故上質不飾以章天德紫壇偽飾女樂鸞路駢

駒龍馬石壇之屬宜皆勿修衡又言王者各以其禮制事

前漢志五下

天地非因異世所立而繼之師古曰異世謂前代今雍廊密上下時

晉灼曰秦文公本秦侯各以其意所立非禮之所載術也

漢興之初儀制未及定即且因秦故祠復立北時今既稽

古建定天地之大禮郊見上帝青赤白黃黑五方之帝皆

畢陳各有位饌祭祀備具諸侯所妄造王者不當長遵及

北時未定時所立師古曰謂高祖初禮儀未定不宜復修天子皆從焉

及陳寶祠由是皆罷明年上始祀南郊赦奉郊之縣及中

都官耐罪囚徒師古曰山都官是歲衡譚復條奏長安厨

官縣官給祠郡國候神方士使者所祠凡六百八十三所

其二百八所應禮及疑無明文可奉祠如故其餘四百七

十五所不應禮或復重師古曰復音扶日重音丈庸反請皆罷奏可本

雍舊祠二百三所唯山川諸星十五所為應禮云若諸布

諸巖諸逐皆罷杜主有五祠置其一又罷高祖所立梁晉

秦荆巫九天南山萊中之屬及孝文渭陽孝武薄忌泰一

三一黃帝冥牛馬行泰一臯山山君武夷夏后啓母石萬

里沙八神延年之屬及孝宣參山蓬山之眾成山萊山四

時蚩尤勞谷五牀僊人玉女徑路黃帝天神原水之屬皆

罷候神方士使者副佐本草待詔七十餘人皆歸家師古

草待詔謂以方藥本草而待詔者明年臣衡坐事免官爵衆庶多言不當

變動祭祀者又初罷甘泉泰畤師古作南郊日大風壞甘泉竹

宮折後時中樹木十圍以上百餘天子異之以問劉何對曰家人尚不欲絕種祠師古曰家人謂庶人之家也種祠繼嗣所傳祠也況於國

之神寶舊時且甘泉汾陰及雍五時始立皆有神祇感應然後營之非苟而已也武宣之世奉此三神禮敬救備師古曰

自秦文公至今七百餘歲矣漢興世世常來光色赤黃長師古曰直當也息

四五丈直祠而息音聲碎隱野雞皆雉師古曰直當也息也研音及每見雍太祝祠以太牢遣候者乘一乘傳馳詣行在所也師古曰報神之求以為福祿高祖時五來文帝二十

六來武帝七十五來宣帝二十五來初元元年以來亦三

十來此陽氣舊祠也及漢宗廟之禮不得擅議皆祖宗之

君與賢臣所共定古今異制經無明文至尊至重難以疑

說正也前始納貢禹之議後人相因多所動搖易大傳曰

誣神者殃及三世恐其咎不獨止禹等上意恨之師古曰恨悔也

後上以無繼嗣故今皇太后詔有司曰蓋聞王者承事天

地交接泰一尊莫著於祭祀孝武皇帝大聖通明始建上

下之祀師古曰謂天地營泰時于甘泉定后土于汾陰而神祇

安之饗國長久子孫蕃滋師古曰蕃累世遵業福流于今

今皇帝寬仁孝順奉循聖緒靡有大愆而久無繼嗣思其

各職始在徙南土郊師古曰職主也違先帝之制改神祇

舊位失天地之心以妨繼嗣之福春秋六十未見皇孫師古曰皇謂食不甘味寢不安席朕甚悼焉春秋大復古善順祀師古曰以復古為善也其復甘泉泰畤汾陰后土如故及雍五時陳寶祠在陳倉者天子復親郊禮如前又復長安雍及郡國祠著明者且半成帝末年頗好鬼神亦以無繼嗣故多上書言祭祀方術者皆得待詔祠祭上林苑中長安城旁費用甚多然無大貴盛者谷永說上曰臣聞明於天地之性不可感以神怪知萬物之情不可罔以非類師古曰罔猶諸背仁義之正道不遵五經之法言而盛稱奇怪鬼神廣崇祭祀之方求報無福之祠及言世有僊人服食不終

之藥造興輕舉如淳曰造遠也興舉也師古曰造遐字也興起也謂起而遠去也登遐倒

景如淳曰在日月之上反從下照覽觀縣圃浮游蓬萊師古曰蓬萊

日昆侖上即閭闔天門耕耘五德朝種暮穫師古曰蓬萊

方甲南西此方庚北中央與山石無極師古曰言

於山石黃冶變化治丹沙令變化可鑄作黃金也道家言堅冰

淖溺晉灼曰方士詐以藥石若陷水丸投之冰上冰即消

古曰或說非也淖化色五倉之術者李奇曰思身中有五

色存則不死五皆姦人惑眾挾左道懷詐偽以欺罔世主

師古曰非左道邪僻聽其言洋洋滿耳若將可遇師古曰洋洋

見也洋音求之盪盪如係風捕景終不可得師古曰盪盪

羊也音祥求之盪盪如係風捕景終不可得師古曰盪盪

湯音是以明王距而不聽聖人絕而不語師古曰謂孔

周史長弘欲以鬼神之術輔尊靈王會朝諸侯而周室愈

微諸侯愈叛楚懷王隆祭祀事鬼神欲以獲福助卻秦師

師古曰卻退音立略反而兵挫地削身辱國危秦始皇初并天下其

心於神僊之道遣徐福韓終之屬多齎童男童女入海求

神采藥因逃不還天下怨恨漢興新垣平齊人少翁公孫

卿藥大等皆以僊人黃冶祭祠事鬼使物入海求神采藥

貴幸賞賜累千金大尤尊盛至妻公主爵位重祭震動海

內師古曰祭古累字元鼎元封之際燕齊之間方士瞋目扼擊言

有神僊祭祀致福之術者以萬數其後平等皆以術窮詐

得誅夷伏辜師古曰誅得謂主上得其誅傷之情至初元中有天淵玉女鉅

鹿神入轅陽侯師張宗之姦紛紛復起師古曰轅陽侯工

承土印綬隨宗奮養玉玉隆師古謂玉謂養也此語者蓋未通疑誤

已嘗專意散財厚爵祿竦精神舉天下以求之美曠日經

年靡有毫釐之驗足以揆今經曰享多儀儀不及物惟曰

不享師古曰周書洛誥之辭也言祭享之道惟以繫論語

說曰予不語怪神師古曰說謂禮物則不為神所享也唯陛下距絕此類母令姦

人有以窺朝者上善其言後成都侯王商為大司馬衛將

軍輔政杜鄴說商曰東鄰殺牛不如西鄰之滌祭師古曰

濟九五爻辭也東鄰謂商紂也西鄰周文王也滌祭謂滌

莫新業以祭言祭祀之道莫盛修德故紂之牛牲不如文



王之類葉言奉天之道貴以誠質大得民心也行穡祀豐

猶不蒙祐德修薦薄吉必大來古者壇場有常處祭禮有

常用師古曰祭贊見有常禮犧牲玉帛雖備而財不匱車

輿臣役雖動而用不勞是故每奉其禮助者歡說師古曰

讀也說大路所歷黎元不知師古曰大路天子祭天所乘

不勞於今甘泉河東天地郊祀咸失方位違陰陽之宜及

雍五時皆曠遠奉尊之役休而復起繕治共張無解已時

皇天著象殆可略知前上甘泉先駸失道師古曰駸禮月

之必奉引復迷韋昭曰奉引祠后土還臨河當渡疾風起

波船不可御又雍大雨壞平陽宮垣迺三月甲子震電災

林光宮門孟康曰甘泉一名林光師古曰林光秦離祥瑞

未著咎徵仍臻迹三郡所奏皆有變故師古曰迹謂不答

不饗何以甚此師古曰不答不當天意詩曰率由舊章師

曰大雅假樂之詩也率備也舊章先王法度文王以之交

神于祀子孫千億宜如異時公卿之議復還長安南北郊

後數年成帝崩皇太后詔有司曰皇帝即位思順天心遵

經義定郊禮天下說意師古曰說懼未有皇孫故復甘泉

泰時汾陰后土庶幾獲福皇帝恨難之卒未得其祐其復

南北郊長安如故以順皇帝之意也哀帝即位寢疾博徵

方術士京師諸縣皆有侍祠使者盡復前世所常興諸神

方術士京師諸縣皆有侍祠使者盡復前世所常興諸神

祠官凡七百餘所一歲三萬七千祠云明年復令六皇太后詔有司曰皇帝孝順奉承聖業靡有解怠師古曰解而久疾未瘳夙夜唯思始繼體之君不宜改作其復甘泉泰時汾陰后土祠如故上亦不能親至遣有司行事而禮祠焉後三年哀帝崩平帝元始五年大司馬王莽奏言王者父事天故爵稱天子孔子曰人之行莫大於孝孝莫大於嚴父嚴父莫大於配天師古曰孝經王者尊其考欲以配天緣考之意欲尊祖推而上之遂及始祖是以周公郊祀后稷以配天宗祀文王於明堂以配上帝禮記天子祭天地及山川歲徧春秋穀梁傳以十二月下辛卜正月上辛

郊師古曰豫

高皇帝受命因雍四時起北時而備五帝未

共天地之祀師古曰共

孝文十六年用新垣平初起渭陽

五帝廟祭泰一地祇以太祖高皇帝配日冬至祠泰一夏

至祠地祇皆并祠五帝而共一牲上親郊拜後詐誅迺

不復自親而使有司行事孝武皇帝祠雍曰今上帝朕親

郊而后土無祠則禮不答也於是元鼎四年十一月甲子

始立后土祠於汾陰或曰五帝泰一之佐宜立泰一五年

十一月癸未始立泰一祠於甘泉二歲一郊與雍更祠師古

口更音亦以高祖配不歲事天皆未應古制建始元年徙

甘泉泰時河東后土於長安南北郊永始元年三月己未

有皇孫復甘泉河東祠綏和二年臣卒不復祐復長安南  
 北郊建平三年懼孝哀皇帝之疾未廖復甘泉汾陰祠竟  
 復無福臣謹與太師孔光長樂少府平晏大司農左咸中  
 壘校尉劉歆太中大夫朱陽博士薛順議郎國由等六十  
 七人議皆曰宜如建始時丞相衡等議復長安南北郊如  
 故莽又頗改其祭禮曰周官天墜之祀師古曰墜古地樂  
 有別有人其合樂曰呂六律六鐘五聲八音六舞大合樂  
 祀天神祭墜祇祀四望祭山川享先妣先祖師古曰此周  
樂之職也六律合陽聲者六鐘以六律六鐘之均也五聲  
信商角徵羽八音金石絲竹匏土革木六舞雲門咸池大  
韶大夏大護大武也先妣先祖先王先公也凡六樂奏六歌而天

墜由祇之物皆至

師古曰謂一變而致羽物及山川澤之祇

日月星海也

三光高而不可得親海廣大無限界故其樂

同祀天則天文從祭

墜則墜理從三光天文也山川地理

也天地合祭先祖配天

先妣配墜其誼一也天墜合精夫

婦判合祭天南郊則

呂墜配一體之誼也天墜位皆南郊

同席

師古曰墜在東共牢而食高帝高后配于壇

上西鄉后在北亦同席

共牢牲用薦栗師古曰謂牛角如

也玄酒陶匏禮記曰

天子籍田千畝臣事天墜師古曰墜

繇是言之宜有黍稷

讀與由同天地用牲一燔黍稷用

繇是言之宜有黍稷

讀與由同天地用牲一燔黍稷用

前集卷之五

郊祀

十七

牲一高帝高后用牲一天用牲左及黍稷燔祭南郊墜用  
牲右及黍稷瘞于北郊其旦東鄉再拜朝日其夕西鄉再  
拜夕月然後孝弟之道備而神祇嘉享萬福降輯輯與集  
同此天墜合祀且祖妣配者也其別樂曰冬日至於墜上  
之園丘奏樂六變則天神皆降夏日至於澤中之方丘奏  
樂八變則墜祇皆出師古曰此亦春官大司樂之職也天  
徵姑洗為羽雷鼓雷鼓為宮太鼓為角姑洗為徵南呂為羽靈鼓  
靈鼓孫竹之管空桑之琴瑟咸池之舞先奏天墜有常位  
不得常合此其各特祀者也陰陽之別於日冬夏至其會  
也且孟春正月上辛若丁天子親合祀天墜于南郊且高

帝高后配陰陽有離合易曰分陰分陽迭用柔剛師古曰  
之辭也陽為剛陰為柔陰陽既分以日冬至使有司奉祠  
南郊高帝配而望羣陽日夏至使有司奉祭北郊高后配  
而望羣陰皆且助致微氣通道幽弱師古曰道當此之時  
后不省方師古曰謂冬夏日至之時故天子不親而遣有  
司所且正承天順地復聖王之制顯太祖之功也渭陽祠  
勿復修羣望未悉定定復奏奏可三十餘年間天墜之祠  
五徙焉後莽又奏言書曰類於上帝禋于六宗師古曰虞  
並已解歐陽大小夏侯三家說六宗皆曰上不及天下不  
及墜旁不及四方在六者之間助陰陽變化實一而名六

名實不相應禮記祀典功施於民則祀之天文日月星辰所昭仰也地理山川海澤所生殖也易有八卦乾坤六子水火不相逮雷風不相諱山澤通氣然後能變化既成萬物也師古曰乾為父坤為母震為長男巽為長女坎為中男離為中女艮為少男兌為少女故云六子也水火坎離也雷風震巽也山澤艮兌也連及詩亂也既盡也雷古雷字也詩昔布內反臣前奏徙甘泉泰時汾陰后土皆復于南北郊謹按周官兆五帝于四郊山川各因其方師古曰春官小宗而之職也兆謂為壇之及黃帝于南郊白帝於西郊黑帝於北郊也各因其方謂順其所在也今五帝兆居在雍五時不合於古又日月雷風山澤易卦六子之尊氣所謂六宗也星辰水火溝瀆皆六宗之屬也今或未特祀或無兆

居謹與大師光大司徒官羲和欽等八十九人議皆曰天子父事天母事墜今稱天神曰皇天上帝泰一兆曰泰時而稱墜祗曰后土與中央黃靈同又兆北郊未有尊稱宜令墜祗稱皇墜后祗兆曰廣時易曰方且類聚物且羣分

師古曰易上繫之辭也方謂所向之地分羣神且類相從為五部兆天墜之別神中央帝黃靈后土時及日廟北辰北斗填星中宿中宮于長安城之東墜兆東方帝太昊青靈勾芒時及雷公風伯廟歲星東宿東宮于東郊兆南方炎帝赤靈祝融時

及熒惑星南宿南宮于南郊兆西方帝少皞白靈蓂收時及太白星西宿西宮于西郊兆北方帝顓頊黑靈玄冥時

及月廟兩師廟辰星北宿北宮于北郊兆奏可於是長安  
 旁諸廟兆時甚盛矣莽又言帝王建立社稷百王不易社  
 者土也宗廟王者所居稷者有穀之主所臣奉宗廟共祭  
 盛師真禮備人所食臣生活也王者莫不尊重親祭自為  
 之主禮如宗廟詩曰乃立冢土師古曰大雅詩也冢  
 又曰臣御田祖臣祈甘雨師古曰小雅甫田之詩也田祖  
 農求月禮記曰唯祭宗廟社稷為越縹而行事李奇曰引  
 雨也縹當祭天地五祀則越縹而行事不以音弗聖漢興禮儀稍定  
 已有官社未立官稷臣瓚曰高帝除秦社稷立漢社稷禮  
 所謂五社也見漢祀今而未立官稷相承至今也遂於官社後立  
 始立之此社中與不立官稷相承至今也

官稷臣夏禹配食官社后稷配食官稷種穀師古曰

穀其子類徐州牧歲貢五色土各一斗莽篡位二年興

神僊事臣方士蘇樂言起八風臺於宮中臺成萬金師古

直萬金也作樂其上順風作液湯如淳曰藝文志有液又種五

梁禾於殿中師古曰五色木也各順色置其方面先鬻

鶴雛也毒冒犀玉二十餘物漬種師古曰鬻古煮字也雛古

子也毒音代計粟斛成一金言此黃帝穀僊之術也臣樂

為黃門郎令主之莽遂定鬼神淫祀師古曰淫至其末年

自天地六宗臣下至諸小鬼神凡千七百所用三牲鳥獸

三千餘種後不能備迺臣雜當驚鴈太當麋鹿數下詔自

前漢志五十一 郊祀 十一

臣當僊語在其傳

贊曰漢興之初庶事草創唯一叔孫生略定朝廷之儀若

迺正朔服色郊望之事數世猶未章焉至于孝文始月夏

郊而張倉據水德公孫臣賈誼更以為土德卒不能明孝

武之世文章為盛太初改制而兒寬司馬遷等猶從臣誼

之言李奇曰公孫臣賈誼服色數度遂順黃德彼以五德之傳從所

不勝服虔曰音亭傳之傳五帝相承代常以金木水火相

秦在水德故謂漢據土而克之劉向父子臣為帝出于震

故包羲氏始受木德師古曰包其後臣母傳子終而復始

自神農黃帝下歷唐虞三代而漢得火焉故高祖始起神

母夜號著赤帝之符旗章遂赤有得天統矣劉向曰向父

時不施行至光武建武二年乃用火德色尚赤耳昔共工氏臣水德問于水火

曰共讀曰龔反與秦同運非其次序故皆不永由是言之祖

宗之制蓋有自然之應順時宜矣究觀方士祠官之變谷

永之言不亦正乎不亦正乎

本志云為隨侯劔寶玉寶璧周康寶鼎立四祠於未央宮中  
中原父曰隨侯珠一也劔寶即斬蛇劔二也玉寶璧即受  
命寶和氏璧三也三物皆漢天子世傳者并周康寶鼎為  
四周康寶鼎似汾上所獲鼎也

郊祀志卷第五下

天文志卷第六

天文志第六 班固撰 漢書二十六 正議大夫行秘書少監琅邪縣開國子顏師古注

天文志第六

班固

漢書二十六

正議大夫行秘書少監琅邪縣開國子顏師古注

凡天文在圖籍昭昭可知者經星常宿中外官凡百一十

八名積數七百八十三星皆有州國官宮物類之象其伏

見蚤晚邪正存亡虛實孟康曰伏見早晚謂五星也

宿不虧也亡謂恒星不見虛實若天牢星實則囚及五星

多虛則開出之屬也開闢若三台星相去遠近也及五星

所行合散犯守陵歷闕食則其精散為袂星也散五星有變

內光芒相及也凌相冒過也食星月相凌不見者則所蝕

也韋昭曰自下往觸之曰犯居其宿曰守經之為歷突掩

為凌星相擊為闕也彗孛飛流日月薄食張晏曰彗所以除舊布新

流星也孟康曰飛絕迹而去也

彗

彗

彗

曰薄京房易傳曰日月赤黃為薄或曰不交而食曰薄韋



昭曰氣往迫之為暈適背穴抱珥重蜺孟康曰暈日旁氣也適日之將食先

有黑之變也珥形如背字也穴多作鑄其形如石鑄也抱

氣向日也珥形如背字也穴多作鑄其形如石鑄也抱

曰鬻蟬蝻謂之重表云雄為重雌為蜺凡氣在日上為冠

為戴在旁直對為珥在旁如半環向日為抱向外為背有

鑄扶傷也為鑄迅雷風袂怪雲變氣此皆陰陽之精其本在

地而上發于天者也政失於此則變見於彼猶景之象形

鄉之應聲師古曰鄉讀曰響是以明君觀之而寤飭身正事思其

咎謝則禍除而福至自然之符也中宮天極星其一明者

泰一之常居也旁三星三公或曰子屬後句四星末大星

正妃餘三星後宮之屬也環之匡衛十二星藩臣皆曰紫

宮前列直斗口三星隨北崇銳若見若不見曰陰德或曰

天一紫宮左三星曰天槍右四星曰天棓蘇林曰音格打

講反後十七星絕漢抵營室曰閣道北斗七星所謂璇璣

玉衡以齊七政杓攜龍角孟康曰杓斗柄也龍衡殷南斗

魁枕參首晉灼曰衡斗之中央殷中也用昏建者杓杓自華以西南

衡殷中州河濟之間孟康曰假令杓昏建平日建者魁魁

海岱以東北也孟康曰傳曰斗魁第一星法為日主齊魁

斗為帝車運于中央臨制四海分陰陽建四時

均五行移節度定諸紀皆繫於斗斗魁戴筐六星曰文昌

宮晉灼曰以筐故曰戴筐一曰上將二曰次將三曰貴相四曰司命

五曰司祿六曰司災在魁中貴人之牢孟康曰傳曰天理四星在斗魁中貴

人牢名曰魁下六星兩兩而比者曰三能蘇林曰三能色

參君臣和不參為乖戾柄輔星孟康曰在北星旁明近輔臣親

彊斥小疏弱蘇林曰斥遠也杓端有兩星一內為矛招搖孟康曰

者招搖招搖為天矛晉灼曰梗一外為盾天逢晉灼曰外

河三星天矛鈎招搖一星耳在招搖南一名天蓬有句園十五星屬杓曰賤人之牢牢中星實則

囚多虛則開出天一槍楛矛盾動搖角大兵起李奇曰

東宮蒼龍房心心為明堂大星天王前後星子屬不欲直

直王失計房為天府曰天駟其陰右驂旁有兩星曰袷袷

北一星曰牽晉灼曰牽東北曲星二星曰旗旗中四星曰

天市天市中星眾者實其中虛則耗房南眾星曰騎官左

角理右角將大角者天王帝坐廷其兩旁各有三星鼎足

句之曰攝提晉灼曰如鼎攝提者直斗杓所指以建時節

故曰攝提格亢為宗廟主疾其南北兩大星曰南門辰為

天根主疫尾為九子曰君臣斥絕不和箕為教客后妃之

府曰口舌火犯守角則有戰房心王者惡之南宮朱鳥權

衡孟康曰軒轅為衡衡太微三光之廷匡衛十二星藩臣西

將東相南四星執法中端門左右掖門掖門內六星諸侯

其內五星五帝坐後聚十五星曰哀烏郎位旁一大星將

位也月五星順入軌道司其出所守天子所誅也其逆入

若不軌道以所犯名之中坐成形晉灼曰中坐犯帝坐皆成形禍福之形見皆羣下不從謀也金火尤甚廷藩西有隨星四名曰少微士大夫

權軒轅黃龍體孟康曰形如騰龍前大星女主象旁小星御者後

宮屬月五星守犯者如衡占東井為水事火入之一星居

其左右天子且以火為敗東井西曲星曰戌北北河南

河兩河天闕間為關梁輿鬼鬼祠事中白者為質晉灼曰與鬼五

星其中白者為質火守南北河兵起穀不登故德成衡觀成潢晉灼曰

也觀占也潢五星不軌道也衡天微廷傷成戌晉灼曰賊傷之

禍成井晉灼曰東井主水事火入一星居誅成質晉灼曰

輿鬼天質占柳為鳥喙主木草七星頸為負宮主急事張

嗉為厨主觴客翼為羽翮主遠客軫為車主風其旁有一

小星曰長沙星星不欲明明與四星等若五星入軫中兵

大起軫南眾星曰天庫庫有五車車星角若益眾及不具

亡處車馬

西宮咸池曰天五潢五潢五帝車舍火入旱金兵水水中

有三柱柱不具兵起奎曰封豨為溝瀆婁為聚眾胃為天

倉其南眾星曰會積如淳曰芻橐積為會也昂曰旄頭胡星也為白

衣會畢曰罕車為邊兵主弋獵其大星旁小星為附耳附

耳搖動有讒亂臣在側昂畢間為天街其陰陰國陽陽國

孟康曰陰西南象坤維河山參為白虎三星直者是為衡

石宿中東西直似攝衡也下有三星銳曰罰孟康曰在參

故曰銳晉灼曰三星為斬艾事其外四星左右肩股也小

三星隅置曰甬觶為虎首主葆旅事如淳曰關中俗謂桑

禾野生曰旅今之飢民采旅也宋灼曰葆榆葉生為葆晉灼曰

守也旅軍衆也君佐參伐斬艾除凶也其南有四星曰

天廁天廁下一星曰天矢矢黃則吉青白黑凶其西有句

曲九星三處羅列一曰天旗二曰天苑三曰九旂其東有

大星曰狼狼角變色多盜賊下有四星曰弧直狼比地有

大星曰南極老人晉灼曰比地近地也老人見治安不見兵起常以

秋分時候之南郊

北宮玄武虛危危為蓋屋宋灼曰危上一星高虛為哭泣

之事宋灼曰蓋屋之下中無人但其南有眾星曰羽林天

軍宋灼曰虛危營室陰陽終始之處際軍西為壘或曰戌

旁一大星為北落北落若微亡軍星動角益稀及五星犯北

落入軍軍起火金水尤甚火入軍憂水水患木土軍吉孟

曰木星土星入危東六星兩兩而比曰司寇營室為清廟

曰離宮閣道漢中四星曰天駟旁一星曰王梁王梁策馬

車騎滿野旁有八星絕漢曰天橫天橫旁江星江星動以

人涉水杵曰四星在危南匏瓜有青黑星守之魚鹽貴南

斗為廟其北建星建星者旗也牽牛為犧牲其北河鼓河

斗為廟其北建星建星者旗也牽牛為犧牲其北河鼓河

鼓大星上將左左星右右將發女其北織女織女天女孫也原父曰左左也星星蓋將字

歲星晉灼曰太歲在四仲則歲行三宿太歲在四孟四季則歲行二宿二十八宿三十四十二而二十八宿十

二歲而曰東方春木於人五常仁也五事貌也仁虧貌失

逆天令傷木氣罰見歲星歲星所在國不可伐可以伐人

超舍而前為贏退舍為縮贏其國有兵不復縮其國有憂

其將死國傾敗所去失地所之得地一曰當居不居國亡

所之國昌已居之又東西去之國凶不可舉事用兵安靜

中度吉出入不當其次必有天袂見其舍也歲星贏而東

南孟康曰五星東行天西轉歲星晨見東方行疾則不見不見則變為袂星石氏見彗星甘氏

不出三月廼生彗本類星末類彗長二丈贏東北石氏見

覺星甘氏不出三月廼生天棊本類星末銳長四尺縮西

南孟康曰歲星當伏西方行遲早沒變為袂星也石氏見攬雲如牛韋昭曰攬音

甘氏不出三月廼生天槍左右銳長數丈縮西北石氏見

槍雲如馬甘氏不出三月廼生天機本類星末銳長數丈

石氏槍攬棊彗異狀其殃一也必有破國亂君伏死其辜

餘殃不盡為旱凶飢暴疾至日行一尺出二十餘日廼入

甘氏其國凶不可舉事用兵出而易所當之國是受其殃

又曰袂星不出三年其下有軍及失地若國君喪

熒惑晉灼曰常以十月入太微受制而出行列宿司無道出入無常也曰南方夏火禮也

視也禮虧視失逆夏令傷火氣罰見熒惑逆行一舍二舍  
為不祥居之三月國有殃五月受兵七月國半亡地九月  
地大半亡因與俱出入國絕祀熒惑為亂為賊為疾為喪  
為飢為兵所居之宿國受殃殃還至者雖大當小居之久  
殃乃至者當小反大已去復還居之若居之而角者若動  
者繞環之及乍前乍後乍左乍右殃愈甚一日熒惑出則  
有大兵入則兵散周還止息迺為其死喪寇亂在其野者  
亡地以戰不勝東行疾則兵聚于東方西行疾則兵聚于  
西方其南為丈夫喪北為女子喪熒惑天子理也故曰雖  
有明天子必視熒惑所在

太白

晉灼曰常以正月甲寅與熒惑晨出東方二百四十

日而入入四日又出西方二百四十日而入入三十

十五日而復出東方出曰西方秋金義也言也義虧言失

以庚戌入以丑未也逆秋令傷金氣罰見太白日方南太白居其南日方北太

白居其北為羸疾王不寧用兵進吉退凶日方南太白居

其北日方北太白居其南為縮疾王有憂用兵退吉進凶

當出不出當入不入為失舍不有破軍必有死王之墓有

亡國一曰天下偃兵壅有兵者所當之國大凶當出不出

未當入而入天下偃兵兵在外入未當出而出當入而不

入天下起兵有至破國未當出而出未當入而入天下舉

兵所當之國亡當期而出其國昌出東為東方入為北方

出西為西方入為南方所居久其國利易其鄉凶蘇林曰疾過也

一說易御而出入也晉灼曰入七日復出將軍戰死入十

日復出相死之入又復出入君惡之已出三日而復微入

三日迺復盛出是為奕而伏晉灼曰奕退也不其下國有

軍其眾敗將止已入三日又復微出三日迺復盛入其下

國有憂師師雖眾敵食其糧用其兵虜其師出西方失其

行夷狄敗出東方失其行中國敗一曰出蚤為月食晚為

天祲及彗星將發于亡道之國太白出而留桑榆間病其

下國晉灼曰行遲而下也正出舉目上而疾未盡期日過

參天病其對國晉灼曰三分天過其太白經天天下革民

更王孟康曰謂出東入西出西入東也太白陰星出東當

伏東出西當伏西過午為經天晉灼曰日陽也日出

則星亡晝見是為亂紀人民流亡晝見與日爭明疆國弱

小國疆女主昌太白兵象也出而高用兵深吉淺凶埋淺

吉深凶行疾用兵疾吉遲凶行遲用兵遲吉疾凶角敢戰

吉不敢戰凶擊角所指吉逆之凶進退左右用兵進退左

右吉靜凶園以靜用兵靜吉趨凶出則兵出入則兵入象

太白吉反之凶赤角單太白者猶軍也而熒惑憂也故熒

惑從太白軍憂離之軍舒出太白之陰有分軍出其陽有

偏將之戰當其行太白還之破軍殺將辰星殺伐之氣戰

鬪之象也與太白俱出東方皆赤而角夷狄敗中國勝與

太白俱出西方皆赤而角中國敗夷狄勝五星分天之中  
積于東方中國大利積于西方夷狄用兵者利辰星不出  
太白為客辰星出太白為主人辰星與太白不相從雖有  
軍不戰辰星出東方太白出西方若辰星出西方太白出  
東方為格野雖有兵不戰辰星入太白中五日乃出及入  
而上出破軍殺將客勝下出客亡地辰星來抵太白不去  
將死正其上出破軍殺將客勝下出客亡地視其所指以  
名破軍辰星繞環太白若闢大戰客勝主人吏死辰星過  
太白閒可械劍小戰客勝蘇林曰械音函函容也其間可容一劍也居太白前  
旬三日軍罷出太白左小戰歷太白右數萬人戰主人吏

死出太白右去三尺軍急約戰凡太白所出所直之辰其

國為得位得位者戰勝所直之辰順其色而角者勝其色

害者敗晉灼曰鄭色黃而赤倉小敗宋色黃而赤黑小太

白白比狼赤比心黃比參右肩青比參左肩黑比奎大星

色勝位晉灼曰有色行勝色晉灼曰太白行行得盡勝之

晉灼曰行應天度雖有色得位行盡勝

辰星晉灼曰常以二月春分見奎婁五月夏至見東井八

丑未二旬而入晨候之曰北方冬水知也聽也知虧聽失

逆冬令傷水氣罰見辰星出蚤為月食晚為彗星及天祲

一時不出其時不和四時不出天下大飢失其時而出為



當寒反温當温反寒當出不出是謂擊卒兵大起與它星

遇而闕天下大亂晉灼曰：秩星，彗孛之屬也。一曰五星。出於房心間地動

墳星晉灼曰：常以甲辰元始建斗之歲。墳行一宿二十八歲而周天也。曰中央季夏土信

也思心也仁義禮智以信為主貌言視聽以心為正故四

星皆失墳星廼為之動墳星所居國吉未當居而居之若

已去而復還居之國得土不乃得女子當居不居既已居

之文東西去之國失土不乃失女不有土事若女之憂居

宿久國福厚易福薄當居不居為失墳其下國可伐得者

不可伐其贏為王不寧縮有軍不復一曰既已居之文東

西去之其國凶不可舉事用兵失次而上一舍三舍有王

命不成不乃大水失次而下二舍有后感其歲不復不乃

天裂若地動凡五星歲與墳合則為內亂與辰合則為變

謀而更事與熒惑合則為飢為旱與太白合則為白木之

會為水太白在南歲在北名曰牝牡晉灼曰：歲陽也。太白陰也。故曰牝牡。年

穀大孰太白在北歲在南年或有或亡熒惑與太白合則

為喪不可舉事用兵與墳合則為憂主孽卿與辰合則為

北軍用兵舉事大敗墳與辰合則將有覆軍下師與太白

合則為疾為內兵辰與太白合則為變謀為兵憂凡歲熒

惑墳太白四星與辰關皆為戰兵不在外皆為內亂一曰

火與水合為淬晉灼曰：火入水故曰淬也。與金合為鑠不可舉事用兵

土與金合國亡地與木合則國饑與水合為雍沮晉灼曰沮音沮

溼之沮水性雍而潛土故曰雍沮一曰雍墳也不可舉事用兵木與金合鬪國有

內亂同舍為合相陵為鬪二星相近者其殃大二星相遠

者殃無傷也從七寸以內必之韋昭曰必有禍也凡月食五星其

國皆亡李奇曰謂其分野之國歲以飢災惑以亂墳以殺太白彊國

以戰辰以女亂月食大角王者惡之凡五星所聚宿其國

王天下從歲以義從災惑以禮從墳以重韋昭曰謂以威重得從太

白以兵從辰以法以法者以法致天下也三星若合是謂

驚立絕行晉灼曰有兵喪故也其國外內有兵與喪民人之

飢改立王公四星若合是謂大湯晉灼曰湯猶盪滌也其國兵喪並

起君子憂小人汎五星若合是謂易行有德受慶改立王

者掩有四方子孫蕃昌亡德受罰離其國家滅其宗廟晉灼曰宗祖

廟也百姓離去被滿四方五星皆大其事亦大皆小其

事亦小也凡五星色皆園白為喪為旱赤中不平為兵青

為憂為水黑為疾為多死黃吉皆角赤犯我城黃地之爭

白哭泣之聲青有兵憂黑水五星同色天下區兵百姓安

寧歌舞以行不見災疾五穀蕃昌

凡五星

歲緩則不行急則過分逆則占

災惑緩則不出急則不入違道則占

墳緩則不建急則過會逆則占

太白緩則不出急則不入逆則占

辰緩則不出急則不入非時則占

五星不失行則年穀豐昌

凡以宿星通下之變者維星散句星信則地動孟康曰散在尾北韋

昭曰信有星守三淵天下大水地動海魚出紀星散者山

崩不即有喪龜鼈星不居漢中川有易者辰星入五車大

水熒惑入積水水兵起入積薪旱兵起守之亦然極後有

四星名曰句星斗杓後有三星名曰維星散者不相從也

孟康曰謂不復行列而聚也三淵蓋五車之三柱也晉灼曰柱音注解之注天紀

屬貫索積新在北戌西北積水在北戌東北

角亢氐沅州房心豫州尾箕幽州斗江湖牽牛婺女揚州

虛危青州營室東壁并州奎婁胃徐州昂畢冀州觜觸參

益州東井輿鬼雍州柳七星張三河翼軫荊州甲乙海外

日月不占晉灼曰海外遠甲乙日時不以占之丙丁江淮海岱戊巳中州河

濟庚辛華山以西壬癸常山以北一曰甲齊乙東夷丙楚

丁南夷戊魏己韓庚秦辛西夷壬燕趙癸北夷子周丑翟

寅趙卯鄭辰邯鄲己衛午秦未中山申齊酉魯戌吳越亥

燕代秦之疆候太白金狼弧吳楚之疆候熒惑占鳥衡燕

齊之疆候辰星占虛危宋鄭之疆候歲星占房心晉之疆

亦候辰星占參罰及秦并吞三晉燕代自河山以南者中國中國於四海內則在東南為陽陽則月歲星熒惑填星占於街南畢主之其西北則胡貉月氏旃裘引弓之民為陰陰則月太白辰星占於街北昴主之故中國山川東北流其維首在隴蜀尾沒於勃海碣石是以秦晉好用兵孟曰秦晉西南維之北為陰與胡貉引弓之民同故好用兵復占太白太白金主中國而胡貉數侵掠獨占辰星辰星出入趨疾常主夷狄其大經也凡五星早出為贏贏為客晚出為縮縮為主人五星贏縮必有天應見杓

太歲在寅曰攝提格歲星正月晨出東方石氏曰名監真

在斗牽牛失次杓旱水晚旱甘氏在建星婺女太初歷在營室東壁

在卯曰單闕二月出石氏曰名降入在婺女虛危甘氏在虛危失次杓有水灾太初在奎婁

在辰曰執徐三月出石氏曰名青章在營室東壁失次杓旱早晚水甘氏同太初在胃昴

在巳曰大荒落四月出石氏曰名路踵在奎婁甘氏同太初在參罰

在午曰敦牂五月出石氏曰名啓明在胃昴畢失次杓旱早晚水甘氏同太初在東井輿鬼

在末曰協洽六月出石氏曰名長烈在觜觿參甘氏在參  
罰太初在注張七星

在申曰涪灘七月出石氏曰名天晉在東井輿鬼甘氏在  
弧太初在翼軫

在酉曰作詔爾雅作八月出石氏曰名長壬在柳七星張  
失次杓有女喪民疾甘氏在注張失次杓有火太初在角  
亢

在戌曰掩茂九月出石氏曰名天睢在翼軫失次杓水甘  
氏在七星翼太初在氏房心

在亥曰大淵獻十月出石氏曰名天皇在角亢始甘氏在  
軫角亢太初在尾箕

在子曰困敦十一月出石氏曰名天宗在氏房始甘氏同  
太初在建星牽牛

在丑曰赤奮若十二月出石氏曰名天昊在尾箕甘氏在  
心尾太初在婺女虛危甘氏太初歷所以不同者以星羸  
縮在前各錄後所見也其四星亦略如此

古歷五星之推亡逆行者至甘氏石氏經以熒惑太白為  
有逆行夫歷者正行也古人有言曰天下太平五星循度  
亡有逆行日不食朔月不食望夏氏日月傳曰日月食盡  
主位也不盡臣位也星傳曰日者德也月者刑也故曰日

食修德月食修刑然而歷紀推月食與二星之逆亡異熒  
惑主內亂太白金主兵月主刑自周室衰亂臣賊子師旅數  
起刑罰失中雖其亡亂臣賊子師旅之變內臣猶不治四  
夷猶不服兵革猶不寢刑罰猶不錯故二星與月為之失  
度三變常見及有亂臣賊子伏尸流血之兵大變乃出甘  
石氏見其常然因以為紀皆非正行也詩云彼月而食則  
惟其常此日而食于何不臧詩傳曰月食非常也比之日  
食猶常也日食則不臧矣謂之小變可也謂之正行非也  
故熒惑必行十六舍去日遠而顯恣大白出西方進在日  
前氣盛乃逆行及月必食於望亦誅盛也

國皇星大而赤狀類南極所出其下起兵兵彊其衝不利

孟康曰歲星之精散所為也五星之精散為六十四變志記不盡也

昭明星大而白無角乍上乍下所出國起兵多變

足凡凡上有九精上向熒惑之精也

五殘星出正東東方之星其狀類辰去地可六丈大而黃

孟康曰星表有青氣如暈有毛填星之精

六賊星出正南南方之星去地可六丈大而赤數動有光

孟康曰形如彗九角犬白之精

司詭星出正西西方之星去地可六丈大而白類太白

曰星大而尾兩角熒惑之精也

咸漢星出正北北方之星去地可六丈大而赤數動察之

中青孟康曰一名嶽漢星青中亦表此四星所出非其方

其下有兵衝不利

四頃星出四隅去地可四丈地維藏光亦出四隅去地可

二丈若月始出所見下有亂者亡有德者昌

燭星狀如太白其出也不行見則滅所燭城邑亂孟康曰

三彗上出亦如星非星如雲非雲名曰歸邪李奇曰邪音

有兩赤彗上向上歸邪出必有歸國者星者金之散氣其

本曰人孟康曰星石也金石相星衆國吉少則凶漢者亦

金散氣其本曰水星多水少則旱孟康曰漢河漢也水

星其大經也

天鼓有音如雷非雷音在地而下及地其所住者兵發其

下

天狗狀如大流星孟康曰星有尾旁有彗下有聲其下止

地類狗所墜及望之如火光炎炎中天其下圜如數頃田

處上銳見則有黃色千里破軍殺將

格澤者如炎火之狀黃白起地而上下大上銳其見也不

種而穫不有土功必有大客○蚩尤之旗類彗而後曲象

旗孟康曰焚或之精也晉灼曰呂見則王者征伐四方

旬始出於北斗旁狀如雄雞其怒青黑色象伏鼈李奇曰

祭晉灼曰祭雌也或曰怒則色青宋均曰怒謂芒角刺出

枉矢狀類大流星蛇行而倉黑望如有毛羽然

長庚廣如一匹布著天此星見起兵星碌至地則石也

曰礪亦天曜而見景星孟康曰曜精明也有赤方氣與青方氣相連赤方中有兩黃星青方

中有一黃星凡三星合為景星也

景星者德星也其狀無常常出於有道之國日有中道月

有九行中道者黃道一曰光道光道北至東井去北極近

南至牽牛去北極遠東至角西至婁去極中夏至至於東

井北近極故晷短立八尺之表而晷景長尺五寸八分冬

至至於牽牛遠極故晷長立八尺之表而晷景長丈三尺

一丈四分春秋分日至婁角去極中而晷中立八尺之表

而晷景長七尺三寸六分此日去極遠近之差晷景長短

之制也去極遠近難知要以晷景晷景者所以知日之南

北也日陽也陽用事則日進而北晝進而長陽勝故為溫

暑陰用事則日退而南晝退而短陰勝故為涼寒也故日

進為暑退為寒若日之南北失節晷過而長為常寒退而

短為常燠此寒燠之表也故曰為寒暑一曰晷長為潦短

為旱奢為扶鄭氏曰扶當為蟠齊魯之間聲如輔輔扶聲近蟠正不行也蘇林曰景形奢大也晉灼曰

扶附也小臣佞媚也扶者邪臣進而正臣疏君子不足姦人

有餘月有九行者黑道一出黃道北赤道一出黃道南白



道二出黃道西青道二出黃道東立春春分月東從青道  
立秋秋分西從白道立冬冬至北從黑道立夏夏至南從  
赤道然用之一决房中道青赤出陽道白黑出陰道若月  
失節度而妄行出陽道則旱風出陰道則陰雨凡君行急  
則日行疾君行緩則日行遲日行不可指而知也故以二  
至二分之星為候日東行星西轉冬至昏奎八度中夏至  
氏十三度中春分柳一度中秋分牽牛三度七分中此其  
正行也日行疾則星西轉疾事執然也故過中則疾君行  
急之感也不及中則遲君行緩之象也至月行則以晦朔  
決之日冬則南夏則北冬至於牽牛夏至於東井日之所

行為中道月五星皆隨之也箕星為風東北之星也東北

地事天位也

孟康曰東北陽日月五星起於牽牛故為天位坤在西南紐於陽為地統故為地事也

故易曰東北喪朋及巽在東南為風風陽中之陰大臣之

象也其星軫也月去中道移而東北入箕若東南入軫則

多風西方為雨雨少陰之位也月失中道移而西入畢則

多雨故詩云月離于畢俾滂沱矣言多雨也星傳曰月入

畢則將相有以家犯罪者言陰盛也書曰星有好風星有

好雨月之從星則以風雨言失中道而東西也故星傳曰

月南入牽牛南戒民間疾疫月北入太微出坐北若犯坐

則下人誅上一曰月為風雨日為寒溫冬至日南極晷長

南不極則溫為害夏至日北極畧短北不極則寒為害故  
書曰日月之行則有冬有夏也政治變於下日月運於上  
矣月出房北為雨為陰為亂為兵出房南為旱為火喪水  
旱至衝而應及五星之變必然之効也兩軍相當量量等  
力均厚長大有勝薄短小亡勝重抱大破亡抱為和背為  
不和為分離相去直為自立立兵破軍若曰殺將抱且戴  
有喜圍在中中勝在外外勝青外赤中以和相去赤外青  
中以惡相去氣暈先至而後去居軍勝先至先去前有利  
後有病後至後去前病後利後至先去前後皆病居軍不  
勝見而去其後發疾雖勝亡功見半日以上功大白重屈

短上下

李奇曰屈或為尾韋昭曰短而直者也或曰短屈之

短有者下大流血日

暈制勝近期三十日遠期六十日其食食所不利復生生

所利不然食盡為主位以其直及日所躔加日時用名其

國凡望雲氣仰而望之三四百里平望在桑榆上千餘里

二千里登高而望之下屬地者居三千里雲氣有戰居上

者勝自華以南氣下黑上赤嵩高三河之郊氣正赤常山

以北氣下黑上青勃碣海岱之間氣皆黑江淮之間氣皆

白徒氣白土功氣黃車氣乍高乍下往往而聚騎氣卑而

布卒氣搏如淳曰搏專也前卑而後高者疾前方而後高

者銳後銳而卑者卻其氣平者其行徐前高後卑者不止

而反氣相遇者卑勝高銳勝方氣來卑而循車道者不過三四日去之五六里見氣來高七八尺者不過五六日去之十餘二十里見氣來高丈餘二丈者不過三四十日去之五六十里見指雲精白者其將悍晉灼曰指音霄常昭曰音髻其士怯其大根而前絕遠者戰精白其芒低者戰勝其前赤而印者戰不勝陳雲如立垣杼雲類杼柚雲搏而端銳杓雲如繩者居前竟天其半半天蜺雲者類鬪旗故銳鈎雲句曲諸此雲見以五色占而澤搏密其見動人迺有占兵必起占關其直正朔所候決於日旁日旁雲氣人主象皆如其形以占故北夷之氣如羣畜穹閭南夷之氣類舟船

旗大水處敗軍場破國之虛下有積泉金寶上皆有氣不可不察海旁蠶氣象樓臺廣壑氣成宮闕然雲氣各象其

山川人民所聚積故候息耗者入國邑視封疆田疇之整

治如淳曰蔡邕云麻田曰疇城郭室屋門戶之潤澤次至車服畜產精

華實息者吉虛耗者凶若煙非煙若雲非雲郁郁紛紛蕭

索輪困是謂慶雲慶雲見喜氣也若霧非霧衣冠不濡見

則其城被甲而趨夫雷電輟垂辟歷夜明者陽氣之動者

也春夏則發秋冬則臧故候書者亡不司天開縣物孟康曰謂

天裂而見物象也天開示縣象地動坼絕山崩及阨川塞谿壑音羅巖音羅謂

谿壑崩也谿壑崩也蘇林曰壑音伏伏水澹地長澤竭見象城郭門

源也如淳曰壑填塞不通也

閭潤息橐枯宮廟廊第人民所次各俗車服觀民飲食五穀草木觀其所屬倉府廩庫四通之路六畜禽獸所產去就魚鼈鳥鼠觀其所處鬼哭若譁與人逢還訛言誠然凡候歲美惡謹候歲始歲始或冬至日產氣始萌臘明日人眾卒歲壹會飲食發陽氣故曰初歲正月旦王者歲首立春四時之始也四始者候之日而漢魏鮮集臘明正月旦決八風孟康曰魏鮮人姓名作占候者也風從南大旱西南小旱西方有兵西北戎叔為孟康曰戎叔胡也為戎也小雨趣兵北方為中歲東北為上歲韋昭曰上歲大穰東方大水東南民有疾疫歲惡故八風各與其衝對課多者為勝少者為勝亟疾勝徐旦至

食為麥食至日跌為稷跌至晡為黍晡至下晡為叔下晡至日入為麻欲終日有雲有風有日當其時深而多實亡雲有風日當其時淺而少實有雲風亡日當其時深而少實有日亡雲不風當其時者稼有敗如食頃小敗孰五斗米頃大敗風復起有雲其稼復起各以其時用雲色占種所宜雨雪寒歲惡是日光明聽都邑人民之聲聲宮則歲美吉商有兵徵旱羽水角歲惡或從正月旦比數雨率日食一升至七升而極孟康曰正月一日雨而民有一升之食二日雨民有二升之食如此至七日已來過之不占數至十二日直其月占水旱孟康曰一月十日周天歷也為其環域千里內占即為天下候竟正月孟康曰月三

二十八宿然月所離列宿日風雲占其國然必察太歲所

在金穰水毀木飢火旱此其大經也正月上甲風從東方

來宜蠶從西方來若旦有黃雲惡冬至短極縣土炭孟康曰先

冬至三日縣土炭於衡兩端輕重適均冬至而陽氣至則

炭重夏至陰氣至則土重晉灼曰蔡邕律歷記候鐘律權

土炭冬至陽氣應黃鐘通土炭輕而衡仰夏至陰

氣應蕤賓通土炭重而衡低進退先後五日之中炭動麋

鹿解角蘭根出泉水踊略以知日至要決畧景失天運三

十歲一小變百年中變五百年大變三大變一紀三紀而

大備此其大數也春秋二百四十二年間日食三十六彗

星三見夜常星不見夜中星隕如雨者各一當是時禍亂

輒應周室微弱上下交怨殺君三十六亡國五十二諸侯

奔走不得保其社稷者不可勝數自是之後衆暴寡大并

小秦楚吳粵夷狄也為彊伯田氏篡魯三家分晉並為戰

國爭於攻取兵革遞起城邑數屠因以飢饉疾疫愁苦臣

主共憂患其察機祥候星氣尤急如淳曰呂氏春秋荆人

祠淫祀之比也晉灼曰機音珠璣之璣近世十二諸侯七國相王言從橫者

繼踵而占天文者因時務論書傳故其占驗鱗雜米鹽亡

可錄者周卒為秦所滅始皇之時十五年間彗星四見又

者八十日長或竟天後秦遂以兵內兼六國外攘四夷死

人如亂麻又熒惑守心及天市芒角色赤如雞血始皇既

死適庶相殺二世即位殘骨肉戮將相太白再經天因以

張楚並興兵相踣籍蘇林曰踣音躄也或作踣秦遂以亡項羽救鉅鹿枉矢西流枉矢所觸天下之所伐射滅亡象也物莫直於矢今蛇行不能直而枉者執矢者亦不正以象項羽執政亂也羽遂合從抗秦人屠咸陽凡枉矢之流以亂伐亂也

漢元年十月五星聚于東井以歷推之從歲星也李奇曰歲星得其正度其四星隨比常正行故曰從此高皇帝受命之符也孟康曰歲星先至先至為主也

也故客謂張耳曰東井秦地漢王入秦五星從歲星聚當以義取天下秦王子嬰降於枳道漢王以屬吏寶器婦女亡所取閉宮封門還軍次于霸上以候諸侯與秦民約法

三章民亡不歸心者可謂能行義矣天之所予也五年遂

定天下即帝位此明歲星之崇義東井為秦之地明効也

三年秋太白出西方有光幾中晉灼曰幾中近喻身乍北乍南過期

迺入辰星出四孟韋昭曰法當出四仲也是時項羽為楚

王而漢已定三秦與相距滎陽太白出西方有光幾中是

秦地戰將勝而漢國將興也辰星出四孟易主之表也後

二年漢滅楚原父曰以歷推之從歲星也按歷太白辰星去自率不能兩存今月而從歲星於東井非其理也然則書漢秦之月聚東井秦之月全月皆在星聚自辰星得從歲星也

七年月暈圍參畢七重占曰畢昴間天街也街北胡也街

南中國也昴為匈奴參為趙畢為邊兵是歲高皇帝自將

兵擊匈奴至平城為冒頓單于所圍七日迺解

十二年春災惑守心李奇曰心為天王也四月宮車晏駕應劭曰天子當晨起

早作而方崩殞故稱晏駕云韋昭曰凡初崩為晏駕者臣子之心猶謂宮車當駕而出耳

孝惠二年天開東北廣十餘丈長二十餘丈地動陰有餘

天裂陽不足皆下盛彊將害上之變也其後有呂氏之亂

孝文後二年正月壬寅天欖夕出西南孟康曰歲星之精占曰為

兵喪亂其六年十一月匈奴入上郡雲中漢起三軍以衛

京師其四月乙巳水木火三合於東井占曰外內有兵與

喪改立王公東井秦也八月天狗下梁梁是歲誅反者周

殷長安市其七年六月文帝崩其十一月戊戌土水合於

危占曰為雍沮所當之國不可舉事用兵必受其殃一曰

將覆軍危齊也其七月火東行行畢陽環畢東北出而西

逆行至昴即南廼東行占曰為喪死寇亂畢昴趙也

孝景元年正月癸酉金水合於婺女占曰為變謀為兵憂

婺女粵也又為齊其七月乙丑金木水三合於張占曰外

內有兵與喪改立王公張周地今之河南也又為楚其二

年七月丙子火與水晨出東方因守斗占曰其國絕祀至

其十二月水火合於斗占曰為淬不可舉事用兵必受其

殃一曰為北軍用兵舉事大敗斗吳也又為粵是歲彗星

出西南其三月立六皇子為王王淮陽汝南河間臨江長

沙廣川其三年吳楚膠西膠東淄川滻南趙七國反吳楚

沙廣川其三年吳楚膠西膠東淄川滻南趙七國反吳楚

沙廣川其三年吳楚膠西膠東淄川滻南趙七國反吳楚

前漢志卷之六  
兵先至攻梁膠西膠東淄川三國攻圍齊漢遣大將軍周  
亞夫等戍止河南以候吳楚之敝遂敗之吳王亡走粵粵  
攻而殺之平陽侯敗三國之師于盩咸伏其辜彘王自殺  
漢兵以水攻趙城城壞王自殺六月立皇子二人楚元王  
子一人為王王膠西中山楚徙濟北為淄川王淮陽為魯  
王汝南為江都王七月兵罷天狗下占為破軍殺將狗又  
守禦類也天狗所降以戒守禦吳楚攻梁梁堅城守遂伏  
尸流血其下  
三年填星在婁幾入還居奎奎魯也占曰其國得地為得  
填是歲魯為國

四年七月癸未火入東井行陰又以九月己未入輿鬼戊  
寅出占曰為誅罰又為火災後二年有粟氏事其後未央  
東闕災

中元年填星當在觜觶參去居東井占曰亡地不迺有女  
憂其三年正月丁亥金木合於觜觶為白衣之會三月丁  
酉彗星夜見西北色白長丈在觜觶且去益小十五日不  
見占曰必有破國亂君伏死其事觜觶梁也其五月甲午  
金木俱在東井戌金去木留守之二十日占曰傷成於戌  
木為諸侯誅將行於諸侯也其六月壬戌彗星見西南在  
房南去房可二丈大如二斗器色白癸亥在心東北可長



丈所甲子在尾北可六丈丁卯在箕北近漢稍小且去時  
大如桃壬申去凡十日占曰逢星出必有亂臣房心間天  
子宮也是時梁王欲為漢嗣使人殺漢宰相袁盎漢按誅  
梁大臣各戍用梁王恐懼布車入關伏各戍謝罪然後得  
免

中三年十一月庚午夕金火合於虛相去一寸占曰為鏐  
為喪虛齊也

四年四月丙申金木合於東井占曰為白衣之會并秦也  
其五年四月乙巳水火合於參占曰國不吉參梁也其六  
年四月梁孝王死五月城陽王濟陰王死六月成陽公主

死出入三月天子四衣白臨郎第

後元年五月壬午火金合於輿鬼之東北不至柳出輿鬼  
北可五寸占曰為鏐有喪與鬼秦也丙戌地大動鈴鈴然  
民大疫死棺貴至秋止

孝武建元三年三月有星彗于注張歷太微于紫宮至于  
天漢春秋星彗于北斗齊魯晉之君皆將死亂今星彗歷  
五宿其後濟東膠西江都王皆坐法削黜自殺淮陽衡山  
謀反而誅

三年四月有星彗於天紀至織女占曰織女有文變天紀  
為地震至四年十月而地動其後陳皇后廢六年熒惑守

輿鬼占曰為火變有喪是歲高園有火災竇太后崩元光元年六月客星見于房占曰為兵起其二年十一月單于將十萬騎入武州漢遣兵三十餘萬以待之元光中天星盡擄上以問候星者對曰星搖者民勞也後伐四夷百姓勞于兵革

元鼎五年太白入于天苑占曰將以馬起兵也一曰馬將以軍而死耗其後以天馬故誅大宛馬大死於軍

元鼎中熒惑守南斗占曰熒惑所守為亂賊喪兵守之久其國絕祀南斗越分也其後越相呂嘉殺其王及太后漢兵誅之滅其國元封中星孛于河成占曰南成為越門北

成為胡門其後漢兵擊拔朝鮮以為樂浪玄菟郡朝鮮在海中越之象也居北方胡之域也

太初中星孛于招搖星傳曰客星守招搖蠻夷有亂民死君其後漢兵擊大宛斬其王招搖遠夷之分也

孝昭始元中漢宦者梁成恢及燕王侯星者身莫如見蓬星出西方天市東門行過河鼓入營室中恢曰蓬星出六十日不出三年下有亂臣戮死於市後太白出西方下行一舍復上行二舍而下去太自主兵上復下將有戮死者後太白出東方入咸池東下入東井入臣不忠有謀上者後太白入太微西藩第一星北出東藩第一星北東下去

太微者天廷也。太白行其中，宮門當閉，大將被甲，兵邪臣伏誅。熒惑在婁，逆行至奎，法曰：當有兵，後太白入昴，莫如曰：蓬星出西方，當有大臣戮死者。太白星入東井，太微廷出東門，漢有死將。後熒惑出東方，守太白，兵當起，主人不勝。後流星下燕，萬載宮極東去。李奇曰：極，星梁也。三輔間名棟為極，尋棟東去也。或曰：極，棟也。三輔間名棟為極，尋棟東去也。延篤謂之堂前闌楯也。法曰：國恐有誅，其後左將軍樂票騎將軍安與長公主燕刺王謀作亂，咸伏其辜，兵誅烏桓。

元鳳四年九月，客星在紫宮中，斗樞極間，占曰：為兵。其五年六月，發三輔郡國少年詣北軍。五年四月，燭星見奎婁。

間占曰：有土功，胡人死邊城。其六年正月，築遼東玄菟城。二月，度遼將軍范明友擊烏桓。

元平元年正月庚子，日出時有黑雲，狀如焱風亂鬢。音轉出西北東南行，轉而西，有頃亡。占曰：有雲如衆風，是謂風師。法有大兵，其後兵起。烏孫五將征匈奴。

二月甲申晨，有大星如月，有衆星隨而西行。乙酉，祥雲如狗，赤色長尾，三枚夾漢西行。大星如月，大臣之象。衆星隨之，衆皆隨從也。天文以東行為順，西行為逆。此大臣欲行，權以安社稷。占曰：太白散為天狗，為卒起。卒起見禍，無時。臣運柄，祥雲為亂。君到其四月，昌邑王賀行淫辟，立二十

七日大將軍霍光白皇太后廢賀

三月丙戌流星出翼軫東北干太微入紫宮始出小且入

大有光入有頃聲如雷三鳴止占曰流星入紫宮天下大

凶其四月癸未宮車晏駕

孝宣本始元年四月壬戌甲夜辰星與參出西方其二年

七月辛亥夕辰星與翼出皆為蚤占曰大臣誅其後熒惑

守房之鉤鈴鉤鈴天子之御也晉灼曰上言房為天駟其陰右驂旁有二星曰鈴故

曰天子御也占曰不大僕則奉車不黜即死也房心天子宮也

房為將相心為子屬也其地宋今楚彭城也

四年七月甲辰辰星在翼月犯之占曰兵起上卿死將相

也是日熒惑入輿鬼天質占曰大臣有誅者名曰天賊在

大人之側

地節元年正月戊午乙夜月食熒惑孟康曰凡星入月見月中為星食日月奄

星熒惑為熒惑在角亢占曰憂在宮中非賊而盜也有內

亂讒臣在旁其辛酉熒惑入氏中比天子之宮熒惑入之

有賊臣其六月戊戌甲夜客星又居左右角間東南指長

可二尺色白占曰有姦人在宮廷間其丙寅又有客星見

貫索東北南行至七月癸酉夜入天市芒炎東南指其色

白占曰有戮卿一曰有戮王期皆一年遠二年是時楚王

延壽謀逆自殺

四年故大將軍霍光夫人顯將軍霍禹范明友奉車霍山  
及諸昆弟賓嬪為侍中諸曹九卿郡守皆謀反咸伏其辜  
黃龍元年三月客星居王梁東北可九尺長丈餘西指出  
閣道間至紫宮其十二月宮車晏駕

元帝初元元年四月客星大如瓜色青白在南斗第二星  
東可四尺占曰為水飢其五月勃海水大溢六月關東大  
飢民多餓死琅邪郡人相食

二年五月客星見昴分居卷舌東可五尺青白色炎長三  
寸占曰天下有妄言者其十二月鉅鹿都尉謝君男詐為  
神人論死父免官孟康曰姓謝名君男者兒也不記其名直言男耳

五年四月彗星出西北赤黃色長八尺所後數日長丈餘  
東北指在參分後二歲餘西羌反

孝成建始元年九月戊子有流星出文昌色白光燭地長  
可四丈大一圍動搖如龍虵形有頃長可五六丈大四圍  
所誣折委曲貫紫宮西在斗西北子亥間後誣如環北方  
不合留一刻所占曰文昌為上將貴相是時帝舅王鳳為  
大將軍其後宣帝舅子王商為丞相皆貴重任政鳳妬商  
譖而罷之商自殺親屬皆廢黜

四年七月熒惑踰歲星居其東北半寸所如連李時歲星  
在關星西四尺所熒惑初從畢口大星東東北徃數日至

往疾去遲占曰熒惑與歲星鬪有病君飢歲至河平元年

三月旱傷麥民食榆皮二年十二月壬申太皇太后避時

昆明東觀如淳曰食貨志武帝修昆明池列觀

十一月乙卯月食填星星不見時在輿鬼西北八九尺所

占曰月食填星流民千里河平元年三月流民入函谷關

河平二年十月下旬填星在東井軒轅南端大星尺餘歲

星在其西北尺所熒惑在其西北二尺所皆從西方來填

星貫輿鬼先到歲星次熒惑亦貫輿鬼十一月上旬歲星

熒惑而去填星皆西北逆行占曰三星皆合是謂警位是

謂絕行外內有兵與喪改立王公其十一月丁巳夜郎王

歆大逆不道牂柯太守以捕殺歆

三年九月甲戌東郡莊平男子侯毋辟兄弟五人羣黨為

盜攻燔官寺縛縣長吏盜取印綬自稱將軍三月辛卯左

將軍千秋卒右將軍史丹為左將軍四年四月戊申梁王

賀薨

陽朔元年七月壬子月犯心星占曰其國有憂若有大喪

房心為宋今楚地十一月辛未楚王友薨

四年閏月庚午飛星大如缶出西南入斗下占曰漢使匈

奴明年鴻嘉元年正月匈奴單于雕陶莫臯死五月甲午遣中郎將楊興使弔

末始二年二月癸未夜東方有赤色大三四圍長二三丈  
索索如樹南方有大四五圍下行十餘丈皆不至地滅占  
曰東方客之變氣狀如樹木以此知四方欲動者明年十  
二月巳卯尉氏男子樊並等謀反賊殺陳留太守嚴普及  
吏民出囚徒取庫兵劫略令丞自稱將軍皆誅死庚子山  
陽鐵官亡徒蘇令等殺傷吏民篡出囚徒取庫兵聚黨數  
百人爲大賊踰年經歷郡國四十餘一日有兩氣同時起  
並見而靈威令等同月俱發也仲馬曰南方有之下當  
有氣字或色字脫也  
元延元年四月丁酉日蝕時天暉晏殷殷如雷聲有流星  
頭大如缶長十餘丈皎然赤白色從日下東南去四面或

大如五或如雞子耀耀如雨下至昏止郡國皆言星隕春  
秋星隕如雨爲王者失執諸侯起伯之異也其後王莽遂  
顛國柄王氏之興萌於成帝時是以有星隕之變後莽遂  
篡國

綏和元年正月辛未有流星從東南入北斗長數十丈二  
刻所息占曰大臣有繫者其年十一月庚子定陵侯淳于  
長坐執左道下獄死

二年春熒惑守心二月乙丑丞相翟方進欲塞災異自殺  
三月丙戌宮車晏駕

哀帝建平元年正月丁未日出時有著天白氣廣如一匹

布長十餘丈西南行，謹如雷西南行一刻而止，名曰天狗。傳曰：言之不從，則有大禍。詩：妖到其四年正月二月三月，民相驚動，謹謹奔走，傳行詔，壽祠西王母。又曰：從目人當來。

十二月，白氣出西南，從地上至天，出參下，貫天厠，廣如一匹布，長十餘丈，十餘日去。占曰：天子有陰病，其三年十一月壬子，太皇太后詔曰：皇帝寬仁孝順，奉承聖緒，靡有解怠，而久病未瘳，夙夜惟思，殆繼體之君，不宜改作。春秋大復古，其復甘泉泰畤，汾陰后土如故。

二年二月，彗星出牽牛，七十餘日。傳曰：彗所以除舊布新。

也。牽牛，日月五星所從起，歷數之元。三正之始，彗而出之，改更之象也。其出久者，為其事大也。其六月甲子，夏賀良等建言：當改元易號，增漏刻。詔書改建平二年為太初。

元年，號曰陳聖。劉太平皇帝刻漏以百二十為度。八月丁巳，悉復蠲除之。賀良及黨與皆伏誅，流放。其後卒有王莽篡國之禍。

元壽元年十一月，歲星入太微，逆行。工右執法占曰：大臣有憂執法者誅。若有罪。二年十月，戊寅，高安侯董賢免大司馬位，歸第自殺。





知其彛倫道叙服虔曰：彛音陟也。應劭曰：陰覆也。彛，井也。

民王首當助天居我不知居天常理所次序也。師古曰：箕

子廼言曰：我聞在昔，鯀陞洪水，汨陳其五行。應劭曰：理塞

性流行而鯀障塞之，失其本性。其餘所陳，帝乃震怒，弗界

洪範九疇，彝倫道斁。師古曰：帝謂上帝，即天也。震動也。界

音丁，魚貝則殛死。禹廼嗣興而師古曰：殛，誅也。見誅

故反，魚則殛死。禹廼嗣興而師古曰：殛，誅也。見誅

洪範九疇，彝倫道叙。師古曰：自此文以武王問，雜書於箕

子箕子對禹得雜書之意也。初一日五行。師古曰：謂之行

次二曰羞用五事。師古曰：羞，進也。次三曰農用八政。

政首故以農為名也。師古曰：此說非也。次四曰用五紀

農厚也。羞用義例皆同。非田農之義也。

應劭曰：時合也。合成五行為之。次五曰建用皇極。應劭曰：條紀也。師古曰：時讀曰叶和也。

也。次六曰艾用三德。應劭曰：艾，治也。師古曰：艾，讀曰又。

明用稽疑。應劭曰：疑事明。考之於著龜。次八曰念用庶徵。

應次九曰嚮用五福，畏用六極。應劭曰：天所以懼人，用六極

凡此六十五字，皆雜書本文所謂天廼錫禹大法九章常

事所次者也。以為河圖雜書相為經緯，八卦九章相為表

裏。昔殷道弛，文王演周易。師古曰：演，廣也。更廣。周道敝，孔

子述春秋，則乾坤之陰陽效洪範之咎徵。天人之道，粲然

著矣。漢興承秦滅學之後，景武之世，董仲舒治公羊春秋

始推陰陽為儒者宗。宣元之後，劉向治穀梁春秋，數其既

始推陰陽為儒者宗。宣元之後，劉向治穀梁春秋，數其既

福傳以洪範師古曰既古文禍字以洪範義傳而與仲舒

錯師古曰錯至向子歆治左氏傳其春秋意亦已乖矣言

五行傳又頗不同是以搯仲舒別向歆師古曰搯字與擊

來敢傳載賈孟夏疾勝京房谷永李尋之徒所陳行事師古

反師古曰賈孟夏疾勝京房谷永李尋之徒所陳行事說在賈孟傳

經曰初一日五行五行一曰水二曰火三曰木四曰金五

曰土水曰潤下火曰炎上師古曰皆水火木曰曲直師古

可師古曰皆水火曰從革張晏曰革更也土爰稼穡師古曰爰

說爰於也師古曰爰稼穡師古曰爰傳曰田獵不宿師古曰爰

戒曰不宿不飲食不享師古曰不出入不節奪民農時

及有茲師古曰茲謀也師古曰茲師古曰即下所謂作為姦詐以奪農時李

是則木不曲直說曰木東方也於易地上之木為觀師古

下巽上觀巽為木也其於王事威儀容貌亦可觀者也故行

步有佩玉之度師古曰玉佩上有雙衡下有雙璜璜喙以

羽進則掩之退則揚之然後玉鏘鳴師古曰玉鏘鳴登車有

和鸞之節師古曰和鸞也為鸞鳥而栖衡銜鈴也師古曰和鸞也

疾之也田狩有三驅之制師古曰三驅也三驅之禮

也飲食有享獻之禮師古曰享進爵於前謂之獻師古曰出入有名使

民以時務在勸農桑謀在安百姓如此則木得其性矣若

前漢志

迺田獵馳騁不反宮室飲食沈湎不顧法度謂古曰沈湎謂溺於酒食

通音彌妄興繇役以奪民時作為姦詐以傷民財則木失

其性矣蓋工匠之為輪矢者多傷敗如淳曰揉輪不曲矯矢不直也及木

為變怪臣瓚曰梓柱更生及變為人形是也是為木不曲直春秋成公十六

年正月雨木冰劉歆以為上陽施不下通下陰施不上達

故雨而木為之冰雲氣寒師古曰木不曲直也劉向以為

冰者陰之盛而水滯者也木者少陽貴臣卿大夫之象也

此人將有害則陰氣脅木木先寒故得雨而冰也是時叔

孫喬如出奔公子偃誅死師古曰叔孫喬如叔孫宣伯也通於宣公夫人穆姜謀欲作亂

孫行父又執公此執辱之異師古曰行父季文子也十六年秋公會晉侯于沙隨晉受

喬如之諧而此公是年九月或曰今之長老名木冰為木

介介者甲甲兵象也是歲晉有隰陵之戰楚王傷目而敗

殺太子以妾為妻則火不炎上說曰火南方揚光輝為明

者也其於王者南面鄉明而治師古曰鄉讀曰嚮書云知人則愆

能官人師古曰虞書咎繇謨之辭愆智也故堯舜舉羣賢

而命之朝師古曰謂遠四佞而放諸壑師古曰四佞即四

野孔子曰浸潤之譖膚受之訴不行焉可謂明矣師古曰

孔子之言也浸潤言積漸也膚受謂初入皮膚以至骨髓也賢佞分別官人有序帥由

舊章

師古口帥指也

敬重功勳殊別適庶

師古曰適如

如此

則火得其性矣若迺信道不篤

師古曰篤厚也

或耀虛偽讒夫昌

邪勝正則火失其性矣自上而降及濫炎妄起

師古曰炎起讀曰炎

災宗廟燒宮館雖與師眾弗能救也是為火不炎上春秋

桓公十四年八月壬申御廩災董仲舒以為先是四國共

伐魯大破之於龍門魯郭門曰百姓傷者未瘳怨咎未復而

君臣俱惰內怠政事外侮四鄰非能保守宗廟終其天年

者也故天災御廩以戒之劉向以為御廩夫人八妾所春

米之臧以奉宗廟者也師古曰一娶九女正嫡一時夫人

有淫行師古曰謂挾逆心師古曰桓公天戒若曰夫人不可

以奉宗廟桓不寤與夫人俱會齊

師古曰十八年春公會

齊氏遂如

夫人譖桓公於齊侯

師古曰言世于同齊侯殺桓

公師古曰齊侯享公公使公于車劉歆以為御廩公所

親耕藉田以奉粢盛者也師古曰泰稷曰棄法度亡禮之

應也嚴公二十年夏齊大災師古曰嚴公謂莊公也避明

姓為嚴者劉向以為齊桓好色聽女口以妾為妻適庶數

更師古曰桓公好內多寵內嬖如夫人者六人長衛姬生公子

無虧即武孟也少衛姬生惠公鄭姬生孝公葛嬴生昭公

密姬生懿公宋華子生公子雍公與管仲屬孝公於宋襄

公以武孟公許之管仲卒五公子皆求立適讀曰嫡下亦

師古曰魯僖十七年齊桓公卒易牙入因內寵以殺群吏立無虧孝公奔宋十八年齊立孝公不勝四公子之徒遂與宋人戰敗齊師于鹹立孝公而還八月葬桓公是為過於九月乃得葬也公羊傳曰大災疫

也董仲舒以為魯夫人淫於齊齊桓姊妹不嫁者七人國君民之父母夫婦生化之本本傷則末夭故天災所予也

李奇曰以為釐公二十年五月乙巳西宮災師古曰釐讀疫殺其民人此穀梁以為愍公宮也以謚言之則若疏故謂之西宮劉

向以為釐立妾母為夫人以入宗廟師古曰僖公之母謂既為君而母遂同夫人禮文四年經書夫故天災愍宮若

曰去其卑而親者將害宗廟之正禮師古曰愍公於僖公為弟故云卑董仲舒以為釐娶於楚而齊勝之齊公使立以為夫人師古曰僖

人之居也若曰妾何為此宮誅去之意也以天災之故大之曰西宮也左氏以為西宮者公宮也言西知有東東

宮太子所居言宮舉國皆災也宣公十六年夏成周宣榭

火師古曰公羊經也成周洛陽也榭者所以臧樂器宣其名也董仲舒劉

向以為十五年王札子殺召伯毛伯師古曰王札子即王子捷也也召讀曰邵天子不能誅天戒若曰不能行政令何以禮

樂為而臧之左氏經曰成周宣榭火人火也人火曰火天

火曰災榭者講武之坐屋成公三年二月甲子新宮災穀梁以為宣宮不言謚恭也劉向以為時魯三桓子孫始執

前漢書卷之五十五

國政宣公欲誅之恐不能使大夫公孫歸父如晉謀未反

宣公死三家譖歸父於成公成公父喪未葬聽讒而逐其

父之臣使奔齊師言曰三桓謂孟孫叔孫季孫三家俱出

歸父欲去三桓以張公室與宣公謀而聘于晉欲以晉人

去之而宣公薨成公即位季文子及臧宣叔乃逐東明氏

歸父還復命於故天災宣宮明不用父命之象也一曰三

家親而亡禮猶宣公殺子赤而立師古曰赤文公太子即

子襄仲殺赤而立宣公亡禮而親天災宣廟欲示去三家也董仲舒

以為成居喪亡哀成宣數興兵戰伐師古曰謂元年作丘

師會晉卻克及齊侯戰于鞌二年季孫行父帥

能奉宗廟也一曰宣殺君而立不當列於羣祖也襄公九

年春宋災劉向以為先是宋公聽讒逐其大夫華弱出奔

魯師古曰華弱華耦之孫也與樂繆少相狎長相優又相

左氏傳曰宋災樂喜為司城師古曰司城本司空避武

先使火所未至徹小屋師古曰徹去也塗大屋師古曰大屋

塗之令火陳番葦應劭曰番草籠也讀與本同葦所具綆

至不可焚師古曰綆汲索也即備水器師古曰水器氏說文解字曰蠶備火

今之長師古曰畜水潦積土塗師古曰塗泥也繕守

備師古曰繕謂補修之也表火道師古曰表火道皆立標記也

儲正徒師古曰徒役也郊保之民使奔火所師古曰保古

也謂郊野之外保聚者又飭衆官各慎其職師古曰飭同

侯聞之問士弱曰師古曰士弱晉大夫士莊伯宋災於是乎知有天道

何故對曰古之火正或食於心或食於味以出入火師古曰味

音竹是故味為鶉火心為大火陶唐氏之火正闕伯居商

丘祀大火而火紀時焉相土因之故商主大火商人闕其

既敗之釁必始於火是以知有天道公曰可必乎對曰在

道國亂亡象不可知也韋昭曰大亂之君天不復告故無象說曰古之火正

謂火官也掌祭火星行火政季春昏心星出東方而味七

星鳥首正在南方則用火季秋星入則止火以順天時救

民疾帝嚳則有祝融堯時有閼伯民賴其德死則以為火

祖配祭火星故曰或食於心或食於味也相土商祖契之

曾孫師古曰契讀曰傑音先列反字或作禹其用同耳代

閼伯後主火星宋其後也世司其占故先知火災賢君見

變能修道以除凶亂君亡象天不譴告故不可必也三十

年五月甲午宋災董仲舒以為伯姬如宋五年宋恭公卒

師古曰伯姬魯宣公女恭姬也成九年歸于宋伯姬幽居

守節三十餘年又憂傷國家之患禍積陰生陽故火生災

也劉向以為先是宋公聽讒而殺太子痤師古曰痤宋平

惠檣伊侯諸太子二十六年座音在戈應火不炎上之罰也

左氏傳昭公六年六月丙戌鄭災是春三月鄭人鑄刑書

士文伯曰火見鄭其火乎師古曰士文伯晉大夫伯瑕也火未出而作火



以鑄刑器臧爭辟焉師古曰著刑於鼎故稱刑火而象之

不火何為說曰火星出於周五月而鄭以三月作火鑄鼎

刻刑辟書以為民約是為刑器爭辟故火星出與五行之

火爭明為災其象然也又棄法律之占也不書於經時不

告魯也九年夏四月陳火師古曰羊經董仲舒以為陳夏徵舒

殺君楚嚴王託欲為陳討賊陳國闢門而待之至因滅陳

師古曰夏徵舒陳鄉夏南即少西氏也徵舒之母通於靈公靈公飲酒于夏氏徵舒射而殺之楚子為夏氏亂故伐

陳謂陳人無動將討於少西氏遂入陳殺夏徵舒事在宣十年十一年原合於昭九年夏徵舒

何陳子元壽其極陰陽致天災劉向以為先是陳侯弟招殺

陳太子偃師師古曰招謂陳哀公之弟偃師即哀公子也

八年皆外事不因其宮館者略之也八年十月壬午楚

師滅陳師古曰莊王初雖縣陳納申叔時之諫乃復封陳至此時陳又為楚靈王所滅春秋不與

蠻夷滅中國故復書陳火也師古曰九年火時陳已為楚

不許其滅左氏經曰陳災傳曰鄭裨竈曰五年陳將復封

師古曰禪竈鄭大夫封五十二年而遂亡子產問其故對曰陳水屬

也火水妃也而楚所相也今火出而火陳逐楚而建陳也

妃以五成故曰五年歲五及鶉火而後陳卒亡楚克有之

天之道也說曰顓頊以水王陳其族也師古曰陳舜後也舜本出顓頊今

茲歲在星紀後五年在大梁大梁昴也金為水宗得其宗

而昌故曰五年陳將復封楚之先為火正故曰楚所相也

而昌故曰五年陳將復封楚之先為火正故曰楚所相也

天以一生水地以二生火天以三生木地以四生金天以五生土五位皆以五而合而陰陽易位故曰妃以五成然則水之大數六火七木八金九土十故水以天一為火二牡木以天三為土十牡土以天五為水六牡火以天七為金四牡金以天九為木八牡陽奇為牡陰耦為妃師古曰宜故曰水火之牡也火水妃也於易坎為水為中男離為火為中文蓋取諸此也自大梁四歲而及鷄火四周四十八歲凡五及鷄火五十二年而陳卒亡火盛水衰故曰天之道也哀公十七年七月己卯楚滅陳 十八年五月壬午宋衛陳鄭災董仲舒以為象主室將亂天下莫救故災

四國言亡四方也又宋衛陳鄭之君皆荒淫於樂不恤國

政與周室同行陽失節則火災出是以同日災也劉向以

為宋陳王者之後師古曰宋微子啓本出殷陳胡衛鄭周

同姓也師古曰衛康叔文王之弟時周景王老劉子單子事

王子猛師古曰劉子劉獻公摯也單子穆公旗尹氏召伯

毛伯事王子鼂師古曰尹氏文公圍也召伯莊公奭也毛

鼂師古曰姊妹及宋衛陳鄭亦皆外附

於楚亡尊周室之心後三年景王崩王室亂故天災四國

天戒若曰不救周反從楚廢世子立不正以害王室明同

臯也定公二年五月雉門及兩觀災師古曰雉門公宮董

仲舒劉向以為此皆奢僭過度者也先是季氏逐昭公昭

公死于外師古曰謂薨于乾侯定公即位既不能誅季氏又用其邪

說淫於女樂而退孔子師古曰齊人歸女樂季桓子勸定公受之君臣相與觀之廢朝禮三日孔子

乃行天戒若曰去高顯而奢僭者一曰門闕號令所由

出也今舍大聖而縱有臯去以出號令矣京房易傳曰君

不思道厥妖火燒宮哀公三年五月辛卯桓釐宮災董仲

舒劉向以為此二宮不當立違禮者也哀公又以季氏之

故不用孔子孔子在陳聞魯災曰其桓釐之宮乎以為桓

季氏之所出釐使季氏世卿者也四年六月辛丑亳社災

師古曰亳社殷社也董仲舒劉向以為亡國之社所以為戒也師古曰存

其社者欲使吾常思敬慎懼危亡也天戒若曰國將危亡不用戒矣春秋火

災屢於定哀之間不用聖人而縱驕臣將以亡國不明甚

也一曰天生孔子非為定哀也蓋失禮不明火災應之自

然象也高后元年五月丙申趙叢臺災劉向以為是時呂

氏女為趙王后嫉妒將為讒口以害趙王王不寤焉卒見

幽殺惠帝四年十月乙亥未央宮凌室災師古曰滅冰之室也丙子

織室災師古曰織作之室劉向以為元年呂太后殺趙王如意殘

戮其母戚夫人是歲十月壬寅太后立帝姊魯元公主女

為皇后其乙亥凌室災明日織室災凌室所以供養飲食

織室所以奉宗廟衣服與春秋御廩同義天戒若曰皇后

齊漢書卷三十一 五行

亡奉宗廟之德將絕祭祀其後皇后亡子後宮美人有男  
太后使皇后名之而殺其母惠帝崩嗣子立有怨言太后  
廢之更立呂氏子弘為少帝賴大臣共誅諸呂而立文帝  
惠后幽廢文帝七年六月癸酉未央宮東闕果思災師古曰果  
思闕之屏也劉向以為東闕所以朝諸侯之門也果思在  
解具在文紀其外諸侯之象也漢興大封諸侯王連城數十文帝即位  
賈誼等以為違古制度必將叛逆先是濟北淮南王皆謀  
反其後吳楚七國舉兵而誅景帝中五年八月己酉未央  
宮東闕災先是栗太子廢為臨江王師古曰景帝太子栗  
以罪徵詣中尉自殺丞相條侯周亞夫以不合旨稱疾免

後二年下獄死武帝建元六年六月丁酉遼東高廟災四  
月壬子高園便殿火董仲舒對曰春秋之道舉往以明來  
是故天下有物視春秋所舉與同比者師古曰比類精微  
眇以存其意通倫類以貫其理天地之變國家之事察然  
皆見亡所疑矣按春秋魯定公哀公時季氏之惡已孰師古曰孰  
成也而孔子之聖方盛夫以盛聖而易孰惡季孫雖重魯  
君雖輕其勢可成也故定公二年五月兩觀災兩觀僭禮  
之物師古曰兩觀天子之制也天災之者若曰僭禮之臣可以去已見  
臯徵而後告可去此天意也定公不知省師古曰省察也至哀公  
三年五月桓宮釐宮災二者同事所為一也若曰燔貴而

去不義云爾師古曰燔音煩哀公未能見故四年六月亳社災兩

觀桓釐廟亳社四者皆不當立天皆燔其不當立者以示

魯欲其去亂臣而用聖人也季氏亡道久矣前是天不見

災者魯未有賢聖臣雖欲去季孫其力不能昭公是也師古

曰前是謂此時之前也見顯示也音胡雷反次下並同至定哀迺見之其時可也不

時不見天之道也今高廟不當居遼東高園殿不當居陵

旁於禮亦不當立與魯所災同其不當立久矣至於陛下

時天迺災之者殆亦其時可也昔秦受亡周之敝而亡以

化之漢受亡秦之敝又亡以化之夫繼二敝之後承其下

流兼受其猥難治甚矣師古曰猥積也謂積敝也又多兄弟親戚骨肉

之連驕揚奢侈師古曰揚謂振揚張大也恣睢者衆服虔曰自恣意怒貌也師古曰睢音

反所謂重難之時者也陛下正當大敝之後又遭重難

之時甚可憂也故天災若語陛下當今之世雖敝而重難

非以太平至公不能治也視親戚貴屬在諸侯遠正最甚

者忍而誅之師古曰遠離也口謂離正道者也如吾燔遼東高廟迺可視近

臣任國中處旁仄及貴而不正者忍而誅之師古曰仄如

吾燔高園殿迺可云爾在外而不正者雖貴如高廟猶災

燔之況諸侯乎在內不正者雖貴如高園殿猶燔災之況

大臣乎此天意也臯在外者天災外臯在內者天災內燔

朝始與帝舅太尉武安侯田蚡有逆言其後膠西王趙敬肅王常山憲王皆數犯法或至夷滅人家藥殺二千石而淮南衡山王遂謀反膠東江都王皆知其謀陰治兵弩欲以應之至元朔六年迺發覺而伏辜時田蚡已死不及誅上思仲舒前言使仲舒弟子呂步舒持斧鉞治淮南獄以春秋誼斷於外不請師古曰顛與專同不請者不奏待報既還奏事上皆是之太初元年十一月乙酉未央宮柏梁臺災先是大風發其屋夏侯始昌先言其災日後有江克巫蠱衛太子事征和二年春涿郡鐵官鑄鐵鐵銷皆飛上去此火為變使之然也其三月涿郡太守劉屈釐為丞相後月巫蠱事

興帝女諸邑公主陽石公主

師古曰諸琅邪之縣也公主所食曰邑故謂之諸邑陽石

北海之縣字亦作羊丞相公孫賀子太僕敬聲平陽侯曹宗等皆下

獄死七月使者江克掘蠱太子宫太子與母皇后議恐不

能自明乃殺克舉兵與丞相劉屈釐戰死者數萬人太子

敗走至湖自殺師古曰湖縣名也即今閩鄉湖城二縣界明年屈釐復坐祝禱

要斬師古曰禱古詛也音側據反妻梟首也成帝河平二年正月沛郡

鐵官鑄鐵鐵不下隆隆如雷聲又如鼓音工十二人驚走

音止還視地地陷數尺鑪分為十一鑪中銷鐵散如流星

皆上去與征和二年同象其夏帝舅五人封列侯號五侯

師古曰譚商音根逢時凡五人元舅王鳳為大司馬大將軍秉政後二年

丞相王商與鳳有隙，鳳譖之，免官自殺。明年京兆尹王章訟薦忠，直言鳳顛權，鳳誣章以大逆，章不獄死，妻子徙合浦。後許皇后坐巫蠱廢，而趙飛燕為皇后，妹為昭儀，賊害皇子，成帝遂亡。嗣皇后昭儀皆伏辜。一曰：鐵飛屬金不從。革，昭帝元鳳元年，燕城南門災，劉向以為時燕王使邪臣通於漢，為讒賊謀逆亂南門者，通漢道也。天戒若曰：邪臣往來為姦，讒於漢絕亡之道也。燕王不寤，卒伏其辜。元鳳四年五月丁丑，孝文廟正殿災，劉向以為孝文太宗之君與成周宣榭火同義，先是皇后父車騎將軍上官安、安父左將軍樂謀為逆，大將軍霍光誅之，皇后以光外孫，年少

不知居位如故，光欲后有子，因上侍疾，醫言禁內後宮皆不得進，唯皇后顛寢，皇后年六歲而立，十三年而昭帝崩，遂絕繼嗣，光執朝政，猶周公之攝也。是歲正月上，加元服。

師古曰：謂冠也。

通詩尚書有明哲之佳，光亡周公之德，秉政九年。

父於周公上既已冠而不歸政，將為國害，故正月加元服。五月而災見，古之廟皆在城中，孝文廟始出居外，天戒若曰：去貴而不正者，宣帝既立，光猶攝政，驕溢過制，至妻顯殺許皇后，光聞而不討，後遂誅滅。宣帝甘露元年四月丙申，中山太上皇廟災。甲辰，孝文廟災。元帝初元三年四月乙未，孝武園白鶴館災。劉向以為先是前將軍蕭望之、光

祿大夫周堪輔政為佞臣石顯許章等所譖望之自殺堪  
廢黜明年白鶴館災園中五里馳逐走馬之館師古曰五里者言其  
周迴不當在山陵昭穆之地天戒若曰去貴近逸遊不正  
之臣將害忠良後章坐走馬上林下烽馳逐免官孟康曰  
林苑下舉火馳射也烽或作羨晉灼曰永光四年六月甲  
冠首曰烽競定曰逐師古曰孟說是戌孝宣杜陵園東闕南方災劉向以為先是上復徵用周  
堪為光祿勳及堪弟子張猛為太中大夫石顯等復譖毀  
之皆出外遷是歲上復徵堪領尚書猛給事中石顯等終  
欲害之園陵小於朝廷闕在司馬門中內臣石顯之象也  
孝宣親而貴前闕法令所從出也天戒若曰去法令內臣親

而貴者必為國害後堪希得進見因顯言事事決顯口堪  
病不能言顯誣告張猛自殺於公車成帝即位顯卒伏辜  
成帝建始元年正月乙丑皇考廟災初宣帝為昭帝後而  
立父廟於禮不正是時大將軍王鳳顯權擅朝甚於田蚡  
將害國家故天於元年正月而見象也其後寤盛師古曰  
字浸五將世權遂以亡道孟康曰謂王五大司馬也鴻嘉  
漸也三年八月乙卯孝景廟北闕災十一月甲寅許皇后廢末  
始元年正月癸丑大官凌室災戊午戾后園南闕災是時  
趙飛燕大幸許后既廢上將立之故天見象於凌室與惠  
帝四年同應戾后衛太子妻遭巫蠱之斃宣帝既立追加



尊號於禮不正。又戾后起於微賤，與趙氏同應天戒。若曰微賤亡德之人，不可以奉宗廟，將絕祭祀，有凶惡之旤。至其六月丙寅，趙皇后遂立，姊妹驕妒，賊害皇子，卒皆受誅。末始四年四月癸未，長樂宮臨華殿及未央宮東司馬門災。六月甲午，孝文霸陵園東闕南方災。長樂宮成帝母王太后之所居也。未央宮帝所居也。霸陵太宗盛德園也。是時太后三弟相續秉政。師古曰：謂陽平侯鳳、安陽侯舉宗。音成，都侯商，相代為大司馬。舉宗居位，兄塞朝廷兩宮親屬，將害國家。師古曰：謂太后家王氏、皇后家趙氏。故云。兩宮故天象仍見。師古曰：明年成都侯商薨，弟曲陽侯根親屬，故天象仍見。明年成都侯商薨，弟曲陽侯根代為大司馬秉政。後四年，根乞骸骨，薦兄子新都侯莽自

代遂覆國焉。哀帝建平三年正月癸卯，桂宮鴻寧殿災。帝祖母傅太后之所居也。時傅太后欲與成帝母等號齊尊。大臣孔光、師丹等執政，以為不可。太后比見官爵，遂稱尊號。後三年，帝崩，傅氏誅滅。平帝元始五年七月己亥，高皇帝原廟殿門災。盡師古曰：原廟，重廟也。高皇帝廟在長安城中，後以叔孫通譏復道，故復起原廟於渭北，非正也。是時平帝幼，成帝母王太后臨朝，委任王莽，將篡絕漢。墮高祖宗廟。師古曰：墮，毀也。音火，規反。故天象見也。其冬平帝崩，明年莽居攝，因以篡國。後卒，夷滅。傳曰：治宮室，飾臺榭。師古曰：臺，有室曰榭。內淫亂，犯親戚，侮父兄，則

稼穡不成說曰王中央生萬物者也其於王者為內事宮室夫婦親屬亦相生者也古者天子諸侯宮廟大小高卑有制后夫人媵妾多少進退有度九族親疏長幼有序孔子曰禮與其奢也寧儉論語載孔子之言也若不故禹卑宮室師古曰論語載孔子曰禹吾無間然矣卑宮室而盡力乎溝洫謂勤於治水而所居狹陋也文王刑于寡妻師古曰大雅思齊之詩云刑于寡妻至教化也師古曰昭明也如此則土得其性矣若迺奢淫驕慢則土失其性有水旱之災而草木百穀不孰是為稼穡不成莊公二十八年冬大旱亡麥禾董仲舒以為夫人哀姜淫亂

師古曰哀姜莊公夫人齊女也淫陰氣故大水也劉向以為水旱當書不書水旱而曰大亡麥禾者土氣不養稼穡不成者是時夫人淫於二叔内外亡別師古曰二叔謂莊公二弟仲慶父及叔牙又因凶飢一年而三築臺師古曰謂三十一年春築臺于郕師古曰謂于秦也即薛秦皆魯地也故應是而稼穡不成歸臺樹內淫亂之罰云遂不改寤四年而死師古曰莊公三十二年薨死距大水無麥禾凡四歲也既流二世師古曰謂子般及閔公皆殺奢淫之患也

傳曰好戰攻輕百姓飾城郭侵邊境則金不從革說曰金西方萬物既成殺氣之始也故立秋而雁鳥擊秋分而微霜降其於王事出軍行師把旄執鉞誓士眾抗威武所以

征畔逆止暴亂也詩云有虔秉鉞如火烈烈師古曰商頌長發之詩也

虞固也此美殷湯與師出征固特其又曰載載干戈載櫜以誅有罪威力猛盛如火熾烈

弓矢師古曰周頌時邁之詩也載櫜也櫜藏也動靜應詎言天下太平兵不復用故戢斂而韜藏也

說以犯難民忘其死師古曰言以和悅使人雖犯危難不

忘其死故引之金得其性矣若乃貪欲恣睢務立威勝也說讀曰悅

不重民命則金失其性蓋工冶鑄金鐵冰滯曰睢音

涸堅不成者眾師古曰涸讀與涸同乃為變故反春秋左氏傳曰國墜囊及泉音

怪是為金不從革左氏傳曰昭公八年春石言於晉晉平

公問於師曠師古曰晉大夫對曰石不能言神或馮焉作事不

時怨讟動於民師古曰讟痛怨則有非言之物而言今宮

室崇侈民力彫盡怨讟並興莫信其性師古曰信猶保也

曰申言不得石之言不亦宜乎於是晉侯方築虎祁之宮師古曰虎祁地在絳

師古曰虎祁地在絳叔向曰君子之言信而有徵師古曰

大夫羊舌肸也向音許劉歆以為金石同類是為金不從

革失其性也劉向以為石白色為主屬白祥成帝鴻嘉三

年五月乙亥天水異南山大石鳴師古曰天水之聲隆隆

如雷有頃止聞平襄二百四十里韋昭曰天水縣壑雞皆鳴師古

也石長丈三尺廣厚略等師古曰廣及旁著岸脅去地二

百餘丈民俗名曰石鼓石鼓鳴有兵是歲廣漢鉗子謀攻

牢師古曰鉗子謂鉗徒築死臯囚鄭躬等盜庫兵劫略吏

也牢係重囚之處

前漢志七上 五行 十九

民衣繡衣自號曰山君黨與寢廣師古曰寢漸也明年冬迺伏誅

自歸者二千餘人後四年尉氏樊並等謀反殺陳留太守

嚴普自稱將軍山陽亡徙蘇令等黨與數百人盜取庫兵

經歷郡國四十餘皆踰年迺伏誅是時起昌陵作者數萬

人徙郡國吏民五千餘戶以奉陵邑作治五年不成乃罷

昌陵還徙家師古曰初徙人陪昌陵者令皆還其本居石鳴與晉石言同應師

曠所謂民力彫盡傳云輕百姓者也虎祁離宮去絳都四

十里昌陵亦在郊林皆與城郭同占城郭屬金宮室屬土

外內之別云

傳曰簡宗廟不禱祠廢祭祀逆天時則水不潤下說曰水

北方終臧萬物者也其於人道命終而形臧精神放越聖

人為之宗廟以收魂氣春秋祭祀以終孝道王者即位必

郊祀天地禱祈神祇望秩山川懷柔百神亡不宗事師古

來也柔安也謂招來而祭慎其齊戒致其嚴敬鬼神歆饗

多獲福助此聖王所以順事陰氣和神人也至發號施令

亦奉天時十二月咸得其氣則陰陽調而終始成如此則

水得其性矣若迺不敬鬼神政令逆時則水失其性霧水

暴出百川逆溢壞鄉邑溺人民及淫雨傷稼穡是為水不

潤下京房易傳曰顓事有知誅罰絕理厥災水其水也雨

殺人以隕霜大風天黃飢而不損茲謂泰厥災水水殺人

辟過有德茲謂狂應劭曰辟天子也有德者雍過反厥災水

水流殺人已水則地生蟲歸獄不解茲謂追非李奇曰歸

不罪已也張晏曰謂釋有罪之人而厥水寒殺人追誅不

解茲謂不理厥水五穀不收大敗不解茲謂皆陰解舍也

王者於大敗誅首惡赦其眾不則皆函陰氣師古曰函

水流入國邑隕霜殺穀桓公元年秋大水董仲舒劉向以

為桓弒兄隱公民臣痛隱而賤桓後宋督弒其君師古曰

督為大宰弒殤公諸侯會將討之師古曰謂桓受宋賂而

歸師古曰謂又背宋諸侯由是伐魯仍交兵結讎伏尸流

血百姓愈怨師古曰桓會宋公者五與宋公燕人盟已而

公懼而會紀侯鄭伯及四國之師大戰故十三年夏復大水一日夫人驕淫

將弒君陰氣盛桓不寤卒弒死師古曰已劉歆以為桓易

許田不祀周公師古曰許田魯朝宿之邑而有周公別廟

祀周公不廢祭祀之罰也嚴公七年秋大水亡麥苗董仲舒

劉向以為嚴母文姜與兄齊襄公淫共弒桓公嚴釋父讎

復取齊女未入先與之淫一年再出會於道逆亂臣下賤

之之應也十一年秋宋大水董仲舒以為時魯宋比年為

乘丘鄆之戰師古曰比年頻年也莊十年公敗宋師于乘

子移百姓愁怨陰氣盛故二國俱水劉向以為時宋愍公

驕慢睹災不改明年與其臣宋萬博戲婦人在側矜而罵

可葉志三十一

萬萬弒公之應師古曰萬宋大夫也戰敗獲于魯後歸宋魯侯之淑魯侯之美天下諸侯宜為君者唯魯侯耳魯公矜此婦人妒其言願曰此虜也禽虜焉知魯侯之美惡乎至萬怒博怒公絕其服而二十四年大水董仲舒以為夫人

哀姜淫亂不婦陰氣盛也劉向以為哀姜初入公使大夫

宗婦見用幣師古曰宗婦同姓之婦也大夫妻及又淫於

二叔公弗能禁臣下賤之故是歲明年仍大水師古曰劉

歆以為先是嚴飾宗廟刻桷丹楹以夸夫人臣瓚曰桷椽也

柱也師古曰莊公二十三年丹桓宮楹二十四年刻桓宮桷將迎夫人故為盛飾簡宗廟之罰也

宣公十年秋大水飢董仲舒以為時比伐邾取邑師古曰比頻也九年秋取根年公羊傳曰根年者河邾亦

見報復兵讎連結百姓愁怨劉向以為宣公殺子赤而立

子赤齊出也師古曰赤母姜氏亦死姜氏大故懼以濟西

田賂齊師古曰宣既即位與齊侯會于平陰以定其位邾

子矍且亦齊出也師古曰矍且邾文公之子邾定公也亦

反而宣比與邾交兵師古曰比頻也臣下懼齊之威創邾之師古

仲舒劉向以為時成初弱政在大夫前此一年再用師師古

家師古曰四年城邾仲孫蔑叔孫僑如顯會宋晉陰勝陽

師古曰仲孫蔑孟獻子也成五年春仲孫蔑如宋夏叔

師古曰會晉荀首干穀顯與專同專者不稟命於公襄

師古曰仲孫蔑孟獻子也成五年春仲孫蔑如宋夏叔

師古曰會晉荀首干穀顯與專同專者不稟命於公

師古曰會晉荀首干穀顯與專同專者不稟命於公

公二十四年秋大水董仲舒以為先是一年齊伐晉襄使

大夫帥師救晉師古曰襄二十二年秋齊伐衛遂伐後又

侵齊師古曰二十四年國小兵弱數敵疆大百姓愁怨陰

氣盛劉向以為先是襄慢鄰國是以邾伐其南師古曰十

伐我南也齊伐其北師古曰十六年齊莒伐其東師古曰十

伐我東也百姓騷動後又仍犯疆齊也師古曰十八年公會

同圍齊二十三年救晉二大水饑穀不成其災甚也高后

三年夏漢中南郡大水水出流四千餘家四年秋河南大

水伊雒流千六百餘家汝水流八百餘家八年夏漢中南

郡水復出流六千餘家南陽沔水流萬餘家師古曰沔漢

彌善是時女主獨治諸呂相王文帝後三年秋大雨晝夜

不絕三十五日藍田山水出流九百餘家燕壤民室八千

餘所殺三百餘人先是趙人新垣平以望氣得幸為上立

渭陽五帝廟欲出周鼎以夏四月郊見上帝師古曰事並

歲餘懼誅謀為逆發覺腰斬夷三族是時比再遣公主配

單于賂遺甚厚師古曰比頻也高祖使劉敬奉宗室女翁

于初立文帝復遣宗匈奴愈驕侵犯北邊殺略多至萬餘

人漢連發軍征討成邊元帝永光五年夏及秋大水潁川

汝南淮陽廬江雨壞鄉聚民舍交水流殺人先是一年有

司奏罷郡國廟是歲又定迭毀師古曰親盡則毀故云迭

毀事在韋玄成傳迭音大

結罷太上皇孝惠帝寢廟皆無復脩通儒以為違古制刑  
臣石顯用事師古曰石顯宦者故曰刑臣成帝建始三年夏大水三輔  
霖雨三十餘日郡國十九雨山谷水出凡殺四千餘人壞  
官寺民舍八萬三千餘所元年有司奏徙甘泉泰畤河東  
后土于長安南北郊二年又罷雍五畤郡國諸舊祀凡六  
所

五行志第七上





